

潛研堂文集

潛研堂詩集卷五

嘉定錢大昕

回部蕩平大功告成恭紀一百韻

西極功成 聖武揚紫宸稱賀集冠裳黃圖遠闢堅昆

塞朱鷺重歌魚雅章日運萬幾逾業業星馳八陣總堂

堂神謨有濯高三捷盛事無前邁一匡纘序 兩朝欽

至孝宣威往歲定遐荒天山雪霽銷烽堠碑嶺霜寒試

劍鋌執馘虎臣齊矯矯射生騎士竝泚泚屯田已過伊

犁水乘障無煩都護防渭上呼韓初築邸殿頭頡頏利許

擎觴靈臺測景分昏旦重譯占風共享王勃律陪臣瞻

日角洛那侍子觀 天閭傾心內向同葵藿汗血牽

徠盡驪驢大閱和門旗正正山莊曲宴露漼漼三階常
朗星從斗八表攸同綱在綱翩彼飛鴉猶會甚蠢茲黠
鼠漫跳梁花門棟種原無定大倉分支杳莫詳俗尙高
車傳自魏派承回鶻行由唐兩曾項領依蜚蜚窮塞么
麼轉蛞蝓俛首頻年隨籠絡推枕一旦脫銀鑰何期狼
子心終野俄見螳螂臂已攘伏莽頓施蜂蠆毒控弦欲
任鸞鳩搶六軍聲罪詞嚴正七萃遙行氣激昂分遣材
官傳羽箭還否典瑞下牙璋上襄齊騁金羈勒小隊爭
裁鐵柄檔初抵庫車申討伐羣看禁旅競騰驥摧枯屢

振稜威壯漏網翻令小醜颺改命師中謀上將爰攜麾
下度連岡鷹揚衛士材無敵燕頤元戎勇莫當傳檄諸
蕃宵惴伏款關百部效趨踰阿蘇郭外浮醕酪烏什城
邊獻柝漿鄉導前驅撥虎穴諸軍滾入歷羊腸奔麋踪
伏應無地瘞犬狎獍尙逞狂四面崇墉遙屹屹一麾徑
渡正茫茫流星隊隊鳴鶻急掣電聲激石強奪禦南
徵人伉健揮鞭偶值馬元黃列營仍占層峯險築堡旋
當黑水傍撼侶岳家軍不動守如墨翟應無方連宵格
鬪空夸勁排日鏖兵擊鼓鏗不數耿恭求井拜還勝道
濟唱籌量軍書絕域傳郵到 庶畧先幾握算良五校

尅桓已蚤發八旂健銳各分行
蘆笳響遠吹邊月鐵甲
光寒踏曉霜兩月兼程經瀚海
先春轉戰度河湟前茅
票旅紛超距後隊驕蹠亡脫韁
入夜斫營風獵獵平明
合隊氣橫橫徒跣突髻徵吾壯
隴種籠東晒彼恆其計
大勛侷破竹始知秘策比
揆囊休兵暫命三軍駐制勝
誰能一旅亢投石驍騰交習
鬪飛芻絡繹每因糧裹餽
餉處頻盈橐抱布歸時恰滿箱
畧地和闡揮短稍屯兵
玉隴奮長槍遙知山壓無完卵
蚤見瓜分剩破瓢引脰
鏡中方悚惕游魂釜底益倉惶
驚弓漫訝飛鳶墮鉞險
俄傳駭鹿也遠挈妻孥行
不盡攜輜重走踉蹌名城

次第來降表伯克趨迎夾道旁日月無私歸所照雲霓
有象久相望酒漿戶戶盛樽缶糗果家家載筐筐樂德
其間歌宛轉承恩翻使涕淋漓浪迭疏何幸霑 皇化撫
字重煩奠此疆令甲新頒人皞皞先庚申命澤沕沕丁
中黃小皆登籍黍稷梁稌競築場吉貝花蘇勝南粵蒲
荀子熟侶西涼青蚨改鑄司農式赤鋌仍輸少府倉遂
使窮荒分尉候長令編戶樂耕桑犁庭已見龍沙靖隔
影難容獸迹迅捷比票姚征遼濮健蹕充國定開羌衝
堅竝放千鈞弩剷逆爭持百鍊鋼突騎登山凌截臬神
槍臨淖震雷碾千夫賈勇螯弧舉萬眾呼降龍蠹張鼉

兔投林空趯趯飛蛾赴火漫悵悵遐方延踵咸歸化蕃
部同仇共侮亾捧檄纔教擒猘獮援戈親爲燼封狼三
驅宵使前禽失壹發頻看大兕戕疏屬尸方械貳負專
車骨已折汪芒拑喉真快人心憤懸首還將國泐彰進
表稱臣趨魏闕訊囚獻馘到虞庠從茲遺種穢芽蘖永
見新畚絕秀稂露布明駝馳遠徹星躔候館應初陽握
樞乙夜垂衣肅送喜千官佩玉鏘師克在和嘉眾帥功
成惟斷仰吾皇天休滋至時難失祖烈丕承動必
臧直拓提封周二萬獨恢大畧軼尋常園壇昭告瞻
颯若清席升禋倍肅將諷曰陵園陳邕卣分曹嶽

鎮禮琮璜百神咸秩隆儀舉 三殿親臨鉅典煌 聖

澤普霑高以厚 慈寧齊祝壽而康南薰解慍仁風扇

北陸迎長淑氣翔異數酬庸增履秩近郊宣勞奏笙簧
析圭已荷盼茅土賜馬羣看簇繡壤蒲海沙平明侶雪

于闐玉美白于肪洗兵欲輓鉞河水度索應通濛汜鄉
鉅製伊西鑱壁嶂鴻文太學炳琳琅捧來薤葉芝花潤
拓取錕鉤鐵畫裘允矣豐功垂宇宙咄哉浮議沸螭螭
一篇特啟羣言惑五載眞勞 睿畫長燕翼有謀貽

列聖至誠所感協 穹蒼乘乾惕惕惟無逸保泰孜孜
自不遑豫順行師功莫尙謙尊下濟德彌光宣鏡願諧

昇平曲拜手陳詞獻未央

巳卯除夕

謬占金閨籍于今歲八除思親頻佇望報國愧迂疏
病久無良藥家貧少異書光陰敲石過太息負三餘

初春懷鄉襟詠

郭澤塘南顧浦西

水東日記范石湖爲李結記濬塘浦云浦有五曰新洋江曰小虞曰下張

曰顧浦塘有三曰郭澤曰七曰至和

吾宗四世卜幽棲肥田屋後秧針

細漲水門前蟹籩齊市小數家成一闋酒醺有戶偕偏
提官租輸了無宅事饋歲紛紛筮楹攜

土風瑣碎記邛岷故老相承例莫更振子驅邪蒙紙面

銅童祀竈蕪燈藥支門炭取長身立印砌灰偏巧樣呈
拜節家家總相識不須半刺更通名

人家大半住茅茨木几藤牀位置宜黃皺香櫞裋定武
紅凝天燭插軍持春風游屐徐公浦夜月神絃英布祠

吾鄉以英布
爲土地神

傀儡登場纔過了盲兒遮莫又彈詩

人日元宵興不孤小時了了記歡娛燒燈巧解藏頭謎
對局偷拈謁選圖潘麥蹋歌宵按板陳孃貫酒午當爐
橋東巷北嬉游地二十年來夢故吾

頤倪敬堂同年西谿探梅圖

桃李漫山未足珍橫枝數點逗先春天然清瘦非凡格

比侶先生骨性真

橫空嫩蕊簇疏枝彷彿西谿入夢思
共羨繡花滿頭插
幾人賞到未開時

樸學君家世澤沿黃門介操憶當年
七清妙墨依稀在
要與茲圖一例傳

恭和

御製三月朔日御殿定邊將軍兆惠副將軍富德等率
成功諸將士朝謁詩以紀之元韻

金殿晨開鷓鴣排六師大獻愷歌皆分茅列嶽周二等
舞羽敷文舜兩階蕩蕩天門初日啟依依楊柳入春佳

行閒將士羣羅拜共喻投醪 聖主懷

恭和

御製上巳日凱宴成功諸將士元韻

八首

青郊宣勞禮言旋王會新開西海壖五載豐功天祐

聖萬全成算 聖因天洗兵魚海龍沙外張樂流觴曲

水前嘉讌昇平當此日春臺何地不熙然

澹蕩韶光春事淡連茵曲宴集華林食苹鳴鹿來郊柳
在藻游魚戲水潄九奏鈞天人既醉八風妙舞樂難禁
手檠瑤筍斟初徧要識分甘 聖主心

玉闕新柳正垂垂壯士長驅入塞時犒賞百千沾闔澤

登咸三五慶昌期
饒歌試譜伊涼曲
鼓吹新翻灼賚詩
繩武由來追祖德
百年豐已念畱貽

屈指師行暨凱旋
輪將幾歲荷除謁
握奇乙夜義軒
畧推轂三軍衛
霍權往矣冰霜酣
戰地來思花柳暮
春
天回中伯克全歸
附葱嶺西偏執訊
連

瓊筵曉啟趁芳辰
飲至論功異命申
五等析圭先燕領
千官獻壽近龍鱗
卻從蚌甲橐弓日
爲念披堅執銳身
感激一時齊額手
臨觴猶軫結纓人

生長行閒荷聖憐
從征親到雪山邊
眞逢采玉于闐
國快觀竿頭涿鹿
年拔幟名城誇趯
捷執爰絕徼盡精

堅卽今杖杜歌成日譜入南薰叶舜絃

纏頭別部向風歸羅拜華柎初日暉盡識軒轅通道遠
方知光武閉關非金人捧劍剛修楔玉塞韜弓遠集襪
大倉刀環爭入貢天戈從此已停揮

三日風光朗夏清禮成上壽聽呼聲勛名眞見圖麟閣
賞勞頻煩酌兕觥錫宴周京多受祉詰兵禹迹克方行
欲知討叛綏邊畧保泰 淵衷在 不盈

恭和

御製塞宴四首

名馬數百皆龍媒牡者四驪牝者驟誰其騎者惟嬰孩

控之曾不施銜枚神鎗一聲殷若雷翻身上馬寧徘徊
風雨驟至急箭催砰磕振蕩何喧沓直下峻阪凌曲隈
四蹶飄瞥無纖埃二十里外往復回如響斯應彈指纔
就中卅六尤傑魁觀者叱舌驚且哈詭馬舊俗有是哉
至尊顧之歡顏開宣敕頒賞陳觥疊名藩小大紛具
來拜手敬進萬壽杯

右詭馬

天淨秋高張大幕頭鶯宴中什榜化蘆笳羌笛應節鳴
亦有箏琶襍絃索將進酒遠如期當筵自奏樂府詩

陛下之壽千萬歲東臣元菟西月氏前有緩聲後有促
拍颯颯入巨太古音不減撻金與拊石敕勒企喻古所

傳白狼慕德共勉旃況今龜茲諸部盡內屬西涼散樂

夏進破陣篇

右什棊

高秋曲宴紅墀鋪布庫之戲古所無壯士脫帽膽氣麤
先聲直欲吞於菟空卷搏躄兩兩俱騰踔撇振百變殊
角力以智分錙銖失勢一蹶愧弗如何人得雋酌以觚
整暇自謂可賈餘彼哉厄魯亦善鬪坦腹跣足不巾袖
老拳怒臂發以驟使氣氣出若饋饒強者植立弱者仆
伏而盪腦亟相就屈肩著地昂其脰有覩面目悔大繆
勝負旣決斯放手曰四衛拉俗之舊吾皇顧之樂且
康何以予之蒸黃羊天廚禁饗大噉他以手爲箸腹爲

囊鞬脆再拜頓地搶食指不動已十霜一飽何幸在

帝旁

天章頒示紀事詳昇平同樂誌不忘

右相撲

平原如掌水艸肥驅來駿馬各不羈減陽弗方類自別
升獻上阪隨所爲誰與少年雄且傑短後之衣長竿掣
翻身走馬疾于飛欲使生駒就銜繼雕鞍繡勒色樣殊
控繫未及跳擲俱有如負奇跣跣士倔強不受人閒拘
飛揚跋扈驥且急有時稀突他人立乘閒直上跨其顛
持之以暇久方習八尺曰駮七尺駮追風躡景游八垓
乃知駕馭得其道上襄詎乏飛黃材維管周官訓馬政
佚特攻駒順月令卽今塞北多名蕃善馬調來千里騁

至尊九月行獮田割鮮行賞排長筵度人閒試教駝
汰小雅兼陳攷牧篇況聞天馬徠西極大倉康居歸有
德不是 君王神武姿絕域安能服羈勒

右教駝

恭和

御製行圍元韻

平林呦鹿自牲牲六轡安行不動塵疊嶂環來成帟幕
周陔結處儼城圍材官共試批熊技蕃部新攜回鴉人
咫尺 天威齊額手塞垣肆覲拜 恩頻

舍茨張羅各有司名王扈從遠如期天開靈囿規構壯
山入溪秋眺覽宜壹發共欣威遠振三驅仍示惠兼施

承平詰武還綬遠豐芑貽謀監在茲

恭和

御製哈薩克使至俾觀圍元韻

葱嶺西偏逐艸居獻琛久已隸方輿六師韎韐歌瞻彼
萬里郵籤蚤跋予特敕陪臣從捺鉢重教獵士布周陔
漢家漫詡長楊賦蕃使來觀詎有諸

九日同習庵舍人叔華上舍晦之弟游城南登
陶然亭

不到城南五載餘軸簾眞侶蜀巖居登高偶趁重陽節
結侶同乘下澤車淺水牛涔經雨後遠峯螺黛勝春初

聽來吳語真多味，曾是當年共隊魚。

十笏閒亭曲徑旋，到來便覺避喧闐。三秋鄉夢囊黃後，一段詩情落木前。廢廠尙傳宣德樣，古幢細認壽昌年。卻輸扈從灤陽客，直上興安絕塞巔。

謂禮堂光祿

送孫勛堂之官皖江

曲江簪取一花新，僂縮銅符出牧民。名士何妨工製錦，甘霖況是果隨輪。底須諧自山陰授，會見名逾漢吏循。說與孫廉兩字訣，它年惠化定如神。

荅施鐵如上舍見贈之作，用山谷東坡贈荅詩

韻

寸田不自耕坐成荆棘場活水來有源斯涵千頃光眾
卉亦蒼蔚所愛蘭蕙香幽谷本無言登之空巖廊彼美
淮東彥抗志追義黃詞壇趙幟拔道味伊俎嘗置身百
尺樓白雲翼其旁自立良獨貴勿爲遺俗傷

下里久眈百泠泠聞古聲郢中引商羽碩人歌榛苓三
歎竟此曲愧非鍾期生金斷本同心萍合乃異蒂相賞
自有真詎以形迹計昌黎有遺言雲龍願相侶

冬至齋宿題壁

樸被奚囊載滿車迎門呵殿吏人譁冷官公事常多暇
逢著齋期始到衙

煖炕騰騰石炭薰呼童拚掃去塵氛詞垣資格皆前輩

促剗相從話夜分

謂吳易堂朱石君秦澗泉二學士周石鵬侍講

東廳槐樹老輪囷偃蹇離奇不我親太息誰能如汝壽

空庭閱盡去來人

待詔廳事前古槐一株蓋金元以前物

正月二日夜雪用東坡聚星堂韻

茶爐半槍始展葉夜窗手點浮綠雪開門密霰已滿庭
狂呼失喜冠纓絕軒轅忍寒肩輒簪柴桑習懶腰愁折
松枝插戶壓漸低鐙影搖空暗欲滅生涯碌碌風輪轉
歲月堂堂電光掣頻浮薊北柏子樽苦憶江南梅花纈
停雲遠道空滯畱歸夢殘更付騷屑詰朝初旭雪半消

侶有仍無只一瞥空中色相定何著文殊師利猶多說
優須參訪不二門願我舌根鈍于鐵

時有尾從五臺之命

恭和

御製恭奉 皇太后謁 秦陵因至五臺瞻禮卜吉起

程得詩八韻

孝治協人天重光 帝德宣上 陵崇漢典肆觀展虞
年演法參師利延 釐紀握先啟途張翠葆初日出黃
縣官路西郊直人家東化優孽雲山疊疊迥露艸芊芊
已致登三治還尋不二緣承 恩諸父老額手屬車前

恭和

御製過蘆溝橋元韻

西陸朝靄將出冰 六龍夙駕官道平
鼓車記里未一舍長橋翼然自谷稱
渾河西北來厥性善遷徙酈元所
記載曩跡半湮矣上游多山下平
衍所難不在首在尾至尊指示周
且詳疏瀹有方勿勿諉從今永
永慶安瀾永定之名不虛百

恭和

御製良鄉行宮晚坐元韻

吉行五十首 駐蹕暮色自遠蒼然生
窈波孤塔湧香界懸顛兩峯抽筍
萌有滄雲興未成雨艸木欣欣如
有

清石齋詩集 卷五
情行齋清永供 宸賞景物到睨皆空明卷阿游歌詎
爲樂無非事者春省耕

御製見新耕者元韻

御製見新耕者元韻

柳稊初綠麥苗滋有事西疇及是時二月幽風人舉趾
分明粉本馬和之
新畬如罽足遐觀蹂踐頻聞戒從官菖葉杏花農候蚤
一人春省萬人歡

焚香夾路拜 恩齊扶挈幡然與
象煙中簑笠雨中犁 兮欲識太平真有

耕鑿堯民佗息均不須布穀巧催人臘前三百春初雨
好協維魚吉夢頻

恭和

御製直隸總督方觀承奏報易州等處得雨元韻

陣雲如墨勢方酣滋液燕南又易南天遣雨師先灑道
人迎 日馭望停驂 丹邱不遠誠能格綠壤均霑樂
且湛欲擬載芟良耜頌小臣橐筆祇懷慚

恭和

御製永慕齋慶舊化韻

橋山咫尺構宸居 帝曰精誠庶鑒予天綽依依通

旭卉 皇風皞皞繼羲遠永言弓劍心恆慕如見羹牆
境豈虛入暮廉纖將化雨八神先路爲清除

恭和

御製謁 陵禮畢載啟西巡瞻彼臺山祝茲 介祉元

韻

麗農瑤室占高涼 親祝 純釐孝治彰五百僊人行
教地三千汰界大慈光 金相啟處祥雲擁玉燭調時
化雨長天保九如天瑞協至誠昭格 聖心禳

恭和

御製曉煙元韻

暮山含紫九秋凝春曉看來景最勝澹侶游絲飛不定
濃如蒸餺氣方升柳容新沐黃千縷麥氣微烘綠一塍
山市人家貪起蚤炊煙隱隱出高陵

恭和

御製日日元韻

吉行日五十羅拜盈馬前十年望 幸心何異望威馬
雨陽既時若耕鑿皆安便 詔書免正供觀者杖屨駢
出佗入而息不知何以然三多祝我 皇庶符觀華年

恭和

御製曉行卽景元韻

清石室言集 卷五
四
曉雲鬢鬢未全晴
邨屋炊煙次第生
貌出山居農作景
人從摩詰畫中行

巖巒複沓路回斜
蘆荻初芽柳未花
陌上豚蹄春賽社
堪嗔持少願偏除

一帶嵐光繞遠坳
好山在望玉鞭停
恰從拂霧籠煙處
全露霏藍翕黛形

甘澤依旬候不遲
歲占大有粟何疑
伊邨山下倉箱滿
遙祝千斯與萬斯

恭和

御製曲逆故城元韻

遺封猶是壯哉城阿世難逃身後評但割膏腴肥諸呂
笑渠分肉那能平

反閒徒誇沮范增第功畢竟遜陽陵美如冠玉中何有
變理陰陽或未能

恭和

御製題愜適齋元韻

行旌小駐古渠濱猶是伊祁舊俗淳峭蒨山容眞入畫
霏微雨腳不霑塵唐河九折窗前見隄柳千絲檻外春
別有愜心嘉景在堯民擊壤望 堯巡

恭和

御製復雨元韻

極望重巖又作霖春鳩喚雨杏花陰雲容藪隄低猶濕
樹色依微綠漸滾古道衝泥添滑滑懸崖濺瀑尙淋淋
天膏卽是君膏澤誠意相孚在一欽

恭和

御製降旨免宣化府屬民欠詩以誌事元韻

體仁以長人義在易春秋有孚占元吉是惟益下優涿
易洎恆代玉輦首經由復除眚頒詔後樂常先憂
猶恐地僻左或致向隅不延訪咨大吏尺一下置郵災
黎所逋課蠲放無徵收二月春始和好鳥鳴粟畱山田

耕及時樂哉助以休龍門亘赤城養欲給所求耕三可
餘一勉旃足食謀

恭和

御製雪元韻

二月十九日

臘前瑞雪占三白春蚤甘霖慶九農
泐駕漸臨香界
近天花先灑翠微峯

筵筵六出點行旌茅屋依稀是雪坪
一望千山皆玉立
天工渲染若爲迎

藻思禪悟兩相期萬斛源泉千首詩
一片輕靈飛几案
金壺初試剡藤時

踏雪扶犁未少休，
邛邛叱犢尚鳴牟。
勢山駢石皆宜稼，
何論三施夏五猶。

恭和

御製停蹕元韻

暫止倌人駕，
師紆陛楯勞。
濕雲迷霍霽，
遠岫霧周遭。
一宿停清蹕，
千屯儼列曹。
幾餘吟趣洽，
斯咏復斯陶。

恭和

御製晴元韻

連朝兼雨雪，
此日喜新晴。
古道山腰轉，
前旌樹杪行。
平疇猶帶潤，
細艸已滋萌。
遙指周廬合，
紅雲拱幔城。

恭和

御製阜平道中作

積雪澹于一幅練鳴泉清入五絃琴人家半在山溪處
遙見炊煙出柳陰

一邨欲盡一邨連風景分明侶輞川父老呼兒課東作
無過鑿井與耕田

龍泉關外駐輕驂咫尺僊山路舊諳天外數峯明霽雪
清涼世界靜中參

派河亾漾麴塵絲彷彿僊源異境移好是杏花菖葉候
春旂遙拂柳梢時

恭和

御製二箭山疊舊作元韻

豐碑御射舊會聞天錫 仁皇勇出羣飛鏃同時穿疊
嶂呼嵩萬歲動千軍霜濃白羽三成勁斧劈青巒一道
分今日 神孫重繼武王弧親試氣如雲

恭和

御製射虎川元韻

一綫雲關峻嶺前當年射虎尚名川唐弓親輓 神如
在夏諺來游事宛然 祖德懋貽以燕翼 皇心克紹
若稽田卽看接穴恢天網葱嶺西頭振旅闡

恭和

御製自長城嶺至臺懷再依 皇祖元韻

龍藏載五頂演法自曼殊眷屬一萬眾東來歷雲衢大
啟功德門示以清淨途各各生歡喜合掌寶號呼微聞
千花塔鈴語清于竽 時巡祝 純嘏詎爲游觀娛長
城塊兮軋曲徑繚而紆清涼境不遠天開靈異區彷彿
常喜國室利之所都五朶青芙蓉可望不可圖神鐙夜
光見地菜法雨濡天人跨後貌妙手徒形構百千億化
身非有亦非無

恭和

清石堂詩集卷五
御製殊像寺元韻

不二眞如相何曾泐報殊圓光融指月妙諦悟衣珠樓
鴿禪王窟乘猊道子圖天花迎羽葆咫尺卽雲衢

恭和

御製顯通寺卽事元韻

演法蓬居七祖前金身入夢憶當年肇開震旦獅王窟
宛侶靈山鷲嶺天二度 巡臨祈 介祉十方供養拜
璫筵成虧彈指分今昨戒慧還須積寸田

恭和

御製羅漢坪元韻

妙相三十莊莊巖誰能過各生歡喜心受福詎不那何
人寫姝像永峙山之阿諸方護持者天龍摩睺羅佻聞
梵夾書名號各異科八百與五百沿襲多紛訛況此缺
其一聊足笑且呵本無我人相分別他甚麼

恭和

御製眞容院再題元韻

上方雪初霽寒意條已退止 輦禮花宮像設妙于續
三十二好相如月圓不晦是眞見文姝歡喜復遐愜百
牟尼珠圓八功德水漑聲聞辟支乘誰能企項背

恭和

御製閱武元韻

展義臨三晉乘時習五戎山連恆嶽壯兵練代方雄赤
羽和門日朱旗列幕風九重親教閱不數被廬功

恭和

御製棲賢寺元韻

三峽匡廬勝幽棲畧侶之應真飛錫舊上足付衣誰枯
坐能離垢繙經且忍飢由來儒釋異親爲剖然疑

恭和

御製降旨免山西前歲民欠詩以誌事元韻

返釐禮中臺問俗溥宏惠正供減今年溫綸宣德意

載咨司農臣重稽格外例往者值偏災曰惟單闕歲民
欠權倚閣爲軫磽瘠地茲來全豁除十行 詔遐暨鴈
門功德峙汾水恩波逮祝 聖轉金經佛日四表被

恭和

御製游千佛洞得古體四十韻

宗門心卽佛立說簡而約云何有千佛誰解此理竅清
涼眞佛國僊洞鑿崑嶠得毋五丁手抉幽力排昇沿谿
向右折十步九回拗始進若入窞漸滾未掀淖奇峯各
羅列如鸚或如鶴兩臂猿攫拏一足夔跨踔遠望目已
眙下臨心更嬈洞口闐然豁神鐙夜光搖中有諸佛像

膜拜來四徼世尊說大乘迦葉示微笑藥叉魔波旬各
各護持效目健富樓侶大德修行劭不二啟法門文姝
提其要騎象誇狡狴用輿與轎一一具好相詎有脚
肥誚千佛本一佛心性人各抱三教理同源我皇竝
溪造春巡歷臺懷晴雲披絮帽四禪透宗旨掃除儒釋
關因過白雲寺遂指西峪厖甘露功德水滿月天人貌
精舍樸而古秘洞窈且窕直上試輕驄寧辭路回繞卻
登絕頂望積雪四山曜泐螺鐘磬聲靜中間大樂叶山
田麥抽萌邨舍粟藏窖占豐察璇樞祝釐闡象教山靈
苔嵩呼洞府供宸眺宗鏡微乎微傳鐙道可道谿光

皆空明谷音自清妙天工巧渲染著色非意料紺字列
如麻茲焉獨幽峭付戒馬駒踏離怖鴿王叫于茲托新
詩泠泠鈞天調造化運爐錘理蘊入燭照小臣叨載賡
下里望莖韶叶追趨豹尾後異境媿未到韻奇已迫窘
況欲窮禪奧

恭和

御製題陳規守城錄元韻

從容應敵竟全城一局殘碁話汴京大厦詎能支寸木
良醫未可恃黃精金湯無德難爲固輓輒非人何以行
天語煌煌垂定論先幾莫待事將成

恭和

御製顯宋中興聖政艸元韻

和親何至以臣稱往事堪嗟宋紹興汴洛劫灰全不計
汪黃推轂已同登兩宮竟絕還歸望一策空矜管動能
半壁偏安慚袖手長城自壞憤填膺漫言五馬南遷匹
幾見三軍北伐曾內禪得人差足慰詞臣歸美例相仍
爲尊者諱詞多曲允執其中愆必繩大矣 皇言褒貶
正千秋公論式欽承

恭和

御製經畬書屋卽事元韻

六經教士各專治四庫新編 聖王時甲乙丙丁統所
部校讐繕錄慎攸司哲王道在惟欽若諸子言淆必辨
之日理 萬幾還學古健行以造物爲師

恭和

御製游獅子園憶舊元韻

游賞卷阿管日陪園居仍對碧峯開美牆見處皆思聖
心性渾然不改孩 慈孝一誠常默感因緣有觸記從
來世尊法會眞如毗餅水天雲絕點埃

恭和

御製鹿角椅元韻

五紋岐出質猶全想見 仁皇射獵年囊建虎文兵不
試椅名鹿角用長絲欲存大路椎輪儉詎關雕文刻鏤
妍手澤依稀 神鑒在 文孫繩武志殷然

畱王快鎮座主少宗伯介公有詩紀事次和

天教十日住鞭絲侶與谿山有夙期古寺半藏雲斷處
好花全放雨晴時三成官竒穿楊捷一隊征蹠踏雪遲
行帳追陪眞是樂夜來頻醉百分卮

三月朔日疊前韻

日飲無何但學絲匆匆又過禁煙期折花紅杏滾邨裏
遶石清波激瀟時山未知名看亦好客來一不速話偏遲

同年小集今朝是遙憶芳醪倒屈卮

每月朔同年諸君例有小集

憶五臺山三疊前韻

清涼峯色翠如絲欲見文殊那有期靈境雲封全未識
鈍槌棒喝定何時但求達磨安心竟不礙豐干行腳遲
會得菩提本非樹可容無當也名卮

三月三日自曲陽入行唐境途中杏花盛開四

疊前韻

上巳煙光颺柳絲此行未負杏花期偶來冀北滾邨路
大侶江南細雨時每到繇枝鶯語密怕防落蕊馬蹏遲
嗚已若許隨身挂一朵真宜飲一卮

座主宗伯公折杏花一枝插行帳茶鐺中至晚
盛開有詩五疊前韻奉和

伴取爐煙細細絲拗花供養趁花期瓊帷四面畱香地
茶銚雙清吐蕊時著色還須崇嗣畫尋春眞笑牧之遲
一枝何幸隨桃李也到公門侑玉卮

奉酬宗伯公見贈六疊前韻

清如冰夏直如絲坐我春風一月期燕許文章推後輩
崔盧門第冠當時八持玉尺衡材富雙引金蓮歸院遲
獨愧散材同社櫟縱經雕刻不成卮

眞定府隆興寺七疊前韻

林立豐碑認色絲巍然傑閣俯崇期遺文猶識張公禮
殊像難描李伯時綺語多生消欲盡機鋒百偈轉空遲
醞醐具足清涼味未要花前白雪卮

游蓮花池八疊前韻

激泓十頃麴塵絲邂逅清游愜所期巖壑宛成千里勢
煙花況值暮春時游魚吹沫涵空樂浴鳥梳翎點水遲
一事尙畱餘憾在不曾池上舉三卮

懷鄉九疊前韻

春筍秋瓜夏藕絲齊民月合有程期客來但乞澆花泔
僮約頻申曬藥時頗解著書師蔡癸也曾學圃問樊遲

滄海堂詩集 卷五
大瓢五石原無用只合江湖作巨卮

寄題雪浪石用東坡韻

彈渦空復說登州那似雲根湧急流四面空嵌銜石骨
一拳凹凸激潮頭玲瓏明月懷中貯透瘦襄陽裏裏收
咫尺波濤來眼底渾疑朝暮見黃牛

送李萑進士東歸

籍甚詞壇第一流御風曾未到瀛洲揮鞭重指都亭路
又逐人間款段游

截鳧斷鶴兩兼難天許才名折美官半刺但題前進士
故應蚤達勝方干

我識鄭公元斌媚人嫌李令太積唐雲門山色容高臥
大勝東華軟土忙

古柏參天鐵幹成風霜歷盡骨逾清縱然才大難爲用
偶露文章世已驚

蠶尾山薑例可循頭銜未辨領詞臣生天偶落它人後
終是拈椎得髓人

岱宗訪篆劉斯立歷下題詩李泰和揆俗十年多暇日
著書定較往時多

中秋後五日同錢坤一侍講王琴德舍人曹來
殷蔣漁邨二庶常過大慈延福宮

傑構出雲端三元舊戒壇延禧資母后董役出中官

明成

化中孝肅
皇太后建

古壁丹青繪虛庭枯柏寒豐碑猶未圯剔蘚

幾回看

殿外有成
化敕諭碑

苦雨

翻盆伏雨接秋天
滙漏移牀夜少眠
瘦柱壓欹支未穩
殘書徽漬曬無緣
艸生屋頂多于薺
車到街心泛若船
一事差強人意處
久稀剝啄至門前

顯韋慎旃舍人翠螺讀書圖

牛渚山頭月蛾眉
亭上風謫僊已千載
高興古今同鐘響
夕陽外書聲老屋中
誰能識此樂
毋乃逍遙公

題汪對琴博士後譚菽園

識是詩人骨相寒瘦羊分得供朝餐偶然泥上畱鴻爪
僂與人閒重此官

白雲明月悟前身諫果甘回味始真二百年來得同調
阿誰譚菽侶汪倫

過歸義廢寺

一泓古井兩株槐券尾比鄰署字皆輭幘模糊埋碧蘚
古幢剝落臥空階老僧持鉢身全病過客尋碑眼獨揩
聽話閒坊宣化事利那興廢漫牽懷

寺有彌陀邑特建
起院碑載咸雍元

年賣地券云今賣自己
在京宣化坊門裏面街
西小巷子內空閒地內
有井一眼槐樹兩株末
有東鄰南鄰西

北鄰人姓名又載寺所藏畫像大小硬幘九壇軟幘四壇云云又有石幢仆地其一面云會同九祀龍集敦牂亦遼時物也

移寓

幾度柴車輾輾行
喧囂爲避市人聲
門開一面西山對
庭敞三弓夜月盈
新燕呢喃邀化客
古槐磊落事爲兄
玉虛道院南鄰近
時有天風度碧笙

藤牀木几手揩摩
洗足關門耐養痾
巷僻最宜生客少
家貧猶蓄古碑多
先生自署支離笈
前輩曾題安樂窩
陶晚間阮裴園沈欽
伯諸前輩俱曾寓此
儻直從來須計月
催租也似吏催

科

盧端臣先生招飲卽席賦呈

八米詞林秀蒲江樂府傳才應雄大歷名官後盈川俗
味酸鹹別家風禮讓先蒸壺招弟子啟幕各忻然

潛研堂詩集卷五

門人黃鍾校字

潛研堂詩集

嘉定錢大昕

奉 命典試湖南出都宿良鄉縣有作

五千里路賦南征六月都亭擁傳行桃李滿蹊教手植
冰淵一念久心盟長風欲渡江河漢壯觀全收冀豫荆
回首春明猶未遠試拈詩筆記初程

四年五度此停驂玉尺重持祇自慚

已卯七月典試山東庚辰二月及今

年五月恭迎大駕辛巳二月扈五臺山皆宿良鄉此次過此計五度矣

蹕至漸識途於老

馬智偶畱跡侶印泥參迎風宰堵金鈴語過雨憇題翠
黛含應笑勞勞車騎客軟紅十丈點朝簪

宏恩寺

侵晨投豆店，僂道訪桑門。排闥羣峯入，當街襍樹繁。

王猶守律

寺僧係律門
與華山同宗

慈氏不言恩，強與安名字。誰將

公案論

督亢陂

督亢膏腴迹已荒，攜圖當日入咸陽。千金枉購夫人劍，
不及無且一藥囊。

道中卽事

經月愁霖雲霧迷，怪來三伏冷淒淒。回風撼樹全疑雨，
積水平塍半化谿。古道已看濡馬腹，淺渚何止漫牛蹏。

肩輿縱比徒行穩怕聽禽言滑滑泥

雨宿定興

三椽客舍小于舟浙浙瀟瀟響不休恰侶故園梅雨後
孤篷聽雨泊沙頭

北方盛夏常憂旱惟有今年苦雨連官路水漲二三尺
居民入市欲乘船

輿丁

陸行不通車水行不可船泥濘數里閒行旅歎屯遭王
事有程期豈敢或遷延夙咎恹鞍馬而况淖在前籃輿
昇丁夫跣足徒涉優夾輿以四丁扶持防蹶顛牽輓蟻

緣附參差魚貫聯退躡後人足進拍前者肩踏土仍踏
浪腳底懸渦旋所得纔分寸其難乃萬千嗟爾亦人子
詎不知自憐不惜胼胝苦終朝博百錢勞人以奉己我
慚紅兩顴前途可安行且莫歌局蜷

曲逆詠古

六奇孺子擅陰謀曲逆名城萬戶酬阿世取容終王呂
因人成事竟安劉白登圍解輸奇繪雲夢弓藏痛僞游
當日高皇數三傑運籌元只說畱侯

定州道中

形勝居然控趙燕中山故國暫停鞭行來明月清風店

恰稱輕雲細雨天楊柳青濃圍近郭黍麻綠潤長平田
太行西北遙環擁千里蒼茫一氣連

雪浪石和東坡韻

韓幹散馬雲錦屯
磬價未若海石尊
古來文人例愛石
摩挲一日忘昕昏
眾春園中春最好
水木彷彿江南邨
誰移石丈此中貯
一拳突兀當松門
咫尺僂佺千里勢
天吳蹴踏光魂魄
只疑靈洞通水府
故遣白浪飛山根
天工遊戲自奇絕
嵌空不費雕鐫痕
神物欲下襄陽拜
絕品宜與奇章論
文登彈渦石安在
當年曾養苜蓿盆
大千世界恒沙劫
俛仰陳迹感慨存

眞定

河朔雄藩自晉間南連趙魏北燕雲風聲勁挾滹沱響
山色青從恒嶽分宏正有靈應俎豆寶臣何物紀功勳
庶堂姑息無長策往事空悲成德軍

登隆興寺大悲閣周覽隋宋元碑刻晚宿雨花

堂對月得詩七首

飛檐縹緲敞三層乾德規模記晉曾始信護持龍象力

千年傑構尚峻嶒

隆興寺鑄金菩薩像并蓋大悲閣序乾德元年僧惠演撰

白豪殊相頂光圓間說金塗七度全遇宋卽興遺識在

荒唐且任老僧傳

周顯德中毀佛像鑄錢像中有文云遇顯卽毀遇宋卽興見僧惠演所撰

序

開皇龍藏護瑤函奕奕銀鉤妙蹟鑿彈指周齊經幾劫
參軍猶署舊頭銜

長明鐙向佛前吹分付官錢幾貫支閏月上旬當恹薛

傳宣中旨出嘉禧

元長明鐙錢記延祐五年僧永恩書文云閏正月初口日拜住恹薛第一

日嘉禧殿裏有時分欽奉聖旨云云

承旨書家奉楷模膽巴遺跡久榛蕪惟餘本命長生碣

畱在西廊少榻摹

元聖主本命長生祝延碑王思廉文趙孟頫書并篆額今在閣前西廊寺

舊有帝師膽巴碑亦趙書今無存

冰山一霎僂全傾玉券空鐫上輔名牘有孤嫠逢愍思

施錢地下懺長生

秦王夫人施長生錢記至正十四年王訪撰秦王夫人者伯顏之妻恠烈

真氏也

輶車幾日太匆忙一宿安眠青豆房多謝雨花堂外月
照人心地亦清涼

望華塔寺

華塔同登最上頭重來清淚落西州金光紺碧依然在

忍向城南續舊游

本年三月與介少宗伯同登是塔今公已下世

戲顯趙州茶棚

宗門語錄太紛拏直下鉗鎚是他家公案古今難勘破

鎮州蘿蔔趙州茶

柏鄉謁漢光武廟

白水出真人天符赤伏陳一成仍祀夏三戶果亾秦決
戰昆陽日膺圖鄙邑辰雄才珍羣盜大度保功臣豁達
高皇匹精勤宣席倫嚴陵星化客南頓號稱親卜洛規
構正崇儒教化淳祚延十二世頌溫卅三春小縣祠猶
古荒臺跡未湮石人傳誕妄

有碑大書光武斬石人處

麥飯話艱辛

樹老神鴉宿梁空乳燕賓冕旒紛夾侍想見帝王真

題圓津庵用壁間梁棠邨胡南苕湯西厓諸公
倡和元韻

名流題詠想當年興寄長松怪石邊無策破閒師覓句

有方療俗是譚禪古藤侶慢低延月曲沼如珪冷浸天
燕楚往還經萬里飛鴻畱爪亦前緣

鄴中詠古

銅雀臺空霸業陳分香遺令劇酸辛纍纍疑塚都相侶
愁絕西陵泣望人

南皮公讌興何如雲散風流十載餘少壯人眞須努力
至今猶寶偉長書

井蛙何事逞雄心一柱橋頭朽骨沈記否三臺功就日
殿中棘子已成林

專征景畧樹奇功瞥睨魚羊事業空太史浪占星得歲

雌雄飛早入秦宮

孝穆當年奉使還評量文雅薄衰孱中原文物知多少
心折韓陵片石閒

青雀飛來羽翼垂河邊殺癡那能羈內家相對空揮淚
玉體殷勤黃髮期

殿上紛紛供御囚癩癡國是十年休風流宰相楊遵彥
只與君王進厠籌

白頭臨陣被犀渠投袂勤王葛誕如可惜關西好男子
老爲晉六茹驅除

苦熱

青蠅結隊故飛飛，火織炎官又他威。暑已失時猶張王。

二字俱
去聲

秋方當令尙依韋，曉風稍稍涼。侵袂午日騰騰。

汗透衣空羨蘇門高隱者，適然鸞鳳共忘機。

自鄭州入新鄭道中作

百里陂陀路連岡，往復皆雙厓。堅侶鐵一線，旋如蝸土。

礮全疑石沙回，忽有階坡翁。烏帽句寫景妙難儕。

東坡
鄭州

道中詩登高回首坡隴隔惟見
烏帽出復漫二句寫景宛然

讀左氏傳

從政威不猛，五美之大端。云何尙火烈，以民爲艸菅。國
僑晉治鄭，眾母鞠育。殫遺愛長在人，清淚尼父潛救世。

鑄刑書要豈如申韓易箠告太叔猛易而寬難此言失
持平罔顧理所安將毋操礮子傅會非眞傳政寬則得
眾我思魯論言

過許州追悼亾友周西隙刺史

三載金臺別袂分繆爲恭敬意殷勤今朝眞到繇城路

不見風流舊使君

已耶夏西隙之許州任過予寓齋話別且言待子典試兩湖過許某當負

駑前驅百

文章博洽世無雙手昔官齋榜古幢悵悵堂成人已逝

蛛絲空罥讀書窗

西隙到許後貽書言近移唐咸通石幢一後梁貞明石幢一于驛中築小

室貯之顏曰

古幢書屋

讀史縱橫貫弗功
眼光如月破羣蒙
和林舊事編成後

夏與何人質異同

予近改
修元史

夜臺寂寞竟何如
落月空梁夢見虛
不用中郎求貌侶
手痕細認隔年書

望中嶽

西來紫氣鬱千盤
天外諸峯馬上看
石闕遺文畱漢篆
金泥絕頂表唐壇
星辰捫歷三霄近
松柏陰森六月寒
五嶽壯游初志在
何時扶屐到層巒

許昌詠古

識書曾記代塗高
艸艸移都計枉勞
國是卅年禾絹諾

姦雄一手太阿操樓桑未遂中興漢石馬俄成大討曹
休詫牀頭捉刀者軍司狼顧亦人豪

中興之中讀平
聲唐人已有的

邨行

幾日輕陰暑漸銷孤邨稍喜避塵囂秋梁已穗空刪葉
晚豆將花亟護苗細細菱絲浮水面纍纍瓜蔓挂牆腰
雨餘準備前途滑伐柳填薪當小橋

眞羨寬鄉一老農久無冰炭在心胸妻工舉日調鉛拙
兒解耕田識字慵會指動來炊飯熟衰顏開處濁醪濃
平生不省公卿貴世守頭銜賣菜傭

聞蟬

眞令俗目得鍼砭
愛汝迎涼不附爰
曉月一聲楊柳店
午陰百過綠槐檐
身輕自覺能離垢
飲少從知未礙廉
莫信忘機便無患
螳螂張臂亦何嫌

雨宿蔡寨邨舍

爲避淋頭雨
聊求蓋頂茅
泥淩愁滑滑
雞唱聽膠膠
野老能供饌
山僧暫打包
淹留隨處好
恐類伏波嘲

田家

岐路忽三义
居民四五家
人行茅屋罅
犬吠柵籬斜
拗項壺盧架
長身巨勝花
故園宛在眼
南望白雲遐

雨止

天改雲容澹人欣雨腳停依依遠邨外忽有數峯青

曉行

揮策太匆匆邨原極望同樹枯時帶瘦山好不嫌童紫
蓼秋勝雨青帘曉市風輕涼適吾體渾忘客途中

與王惺園修撰對弈

瞢騰長困日如年暫賭楸枰當晝眠眞訝觸蠻分敵國
幾曾虞芮讓閒田到頭才悔全軍蹙得手徒爭一著先
白鶴觀中成例在從來勝敗總欣然

確山道中

眈望翠峻嶒今朝度幾層連岡肥少骨仄徑曲如肱紅

倚谿頭蓼青垂屋角藤童兒纔五尺驅犢上高塍

渡淮

我管北游過清口兩瀆交匯趨雲梯獨清安能救眾濁
浪湧半挾沙與泥今朝乘輅義陽郡遙望桐柏明秋霓
長台關外尋古渡輕舸撇波如鳧鷖粼粼白石照見底
輕風吹縠青玻璃連峯屈曲自回抱一條玉帶垂腰圍
南來計程三千近經涉滹沱漳洛淇渡河以後惟汝潁
終類邾莒朝魯齊當年神禹奠四瀆各以巨海爲會歸
河伯雖欲鷁巢占勢不冑下猶相持壯觀先後落吾手
所惜沈涉故道迷高興竟馳大別頂坐看江漢萬里朝

宗時

山行

了無犖确礙人行起伏高低路總平可是山靈多蘊藉
不將圭角露崢嶸

林於萬个柳千行木槿編籬卵石牆高地棉花窪地稻
不知身住在它鄉

自信陽入平靖關

宛轉雲盤畷崢嶸冥阨關千重包汴洛一綫劃荆蠻要
害思防戍登臨忘險艱四圍蒼潤意全改北條山
勢逼疑中斷途窮忽有梯祇尋山脈絡不辨景東西條

覺升天易終憂入窻低回頭來處路恍惚已難稽

紫翠繞重重橫岡夏側峯樹藏山面目雨拓水心胸花
艸都含秀陰晴叵改容此中多隙地安穩讓三農

水向山頭引入從屋上耕腰鎌收稻出背笠跨牛行籬
俗新栽槿扉編舊種荆雙河衣帶侶石罅弄琴箏

池沼天然滙曾無斧鑿痕三時魚價賤七月蕩花餘風
定波猶急沙激水不渾在山清徹底難向外人論

夙抱看山癖曾無濟勝資此行天假便卻喜境多奇氣
厚蒸雲霧姿妍薄粉脂後來須刮目記我首題詩

七夕宿平靖關

七夕今朝是窮關風雨秋祇依山作嶂不見月如鉤兒
女團團節征夫寂寡愁艸花籬外放也自號牽牛

自應山入安陸縣

百里孤城倚翠峰揮鞭南望翠猶濃地靈未肯趨平行
山意居然蹈複重絕磴千回牛旋磨危蹊一綫蟻盤封
後岡欲斷前岡合登頓翻添客興慵

控扼申光襄漢間北來歷盡幾重關湖波演漾雲連藪
嵐氣空濛陪尾山背郭千家黃稔熟沿邨萬个綠筠環
征人日暝剛投宿細數昏鴉接翅還

雲夢縣

地溯西陵舊宮傳雲夢遣人煙低遠市秋意入疏籬艸
綠黃香冢苔封伍員祠圖經尋往蹟歷歷寄懷思

行連岡閔卽目

低岡如伏牛直上踏脊膂曲折隨地勢向背迷處所上
坡復下坡時見風帽舉日夕少人行斜陽亂鴉語

詠道中所見艸木

楊柳性易活道傍鬱婆娑一一懸官牌手栽數不訛行
旅苦煩暘小立清風過誰云無才思庇蔭亦已多前時
河水湍濁浪驕龍鼉斫伐千萬株猶足支積波豫章號
良材十年始化科迂闊好大言收功竟如何

樗木生不材匠石棄弗視栽之官路有蔥蔚亦可喜云
何冒椿名附會罔知恥枝葉偶相若臭味詎能佞人言
樗易長舍彼寧取此嗟哉逐臭夫亟去洗我目樗木俗名臭椿
孟秋天始涼下隰見紅蓼花繁帶露斜身弱得風早疏
籬淺水閒娟娟秀而好相抵非堅牢顏色能自保騷人
倘回顧終覺異凡艸

木槿日及花晝榮夕輒悴莊生論小年蜉蝣蟪蛄類道
菊見一枝妖紅可人意未登君子堂俛仰籬下寄壽命
旦暮閒猶以色取媚嗟爾亦何知我言責太備

瓜壺皆蔓生莖葉頗相同秋來結實好纍纍懸屋東剖

瓜如蜜甜爭噉喧兒童生冷忌食多恐致腹疾攻壺盧
雖寡味佩之當藥籠中流偶失船坐收千金功徒以甘
苦論鄙哉田舍翁

浮萍生無蒂隨波忽近遠風來半汀失雨過一池滿飄
泊狂瀾中葉葉獨安穩眾芳一變淹溺乃以智自遜推移
不凝滯于我元無損不見長榮翁五朝被公衮

讀詩識芣苢采采向中田雨後綠葉肥結穗垂馬鞭物
微人所棄不堪充豆籩本艸去羊見收弗以下品捐小試
輒有效果使結韜痊用之苟得宜功豈下參連乃知醫
國手廣蓄所當先

小艸澹巴菰得名蓋未久移栽始聞嶠近乃處處有烈日炙葉乾黃絲細如絛筠筒煙一縷相習以口受肺腑非鐵石火攻奚可狃奈何今時人嗜此不吝手糜財費妨功濫觴起誰某安得拔其根厄茜種千畝

武昌

驚濤卷雪壓城低九派江流迹已迷三楚飄檣風上下萬家煙火水東西山圍大別單椒峙洲擁金沙碧艸萋遙指僊人騎鶴地危樓終古切雲霓

秋花

蝴蝶紅房坼牽牛紫萼攢偶依籬角住也受露華團天

意憐秋艸人情感歲闌穠芳難耐久珍重及時看

邨中記所見

小小茅簷曲曲籬牆敲聊借石頭撐日高編箔烘煙葉
雨歇攜耒打豆萁香稻已催千頃割殘荷猶見一枝垂
由來氣候山中別試補幽風七月詩

萬松岡

有序

七月十七日入咸寧縣行山岡閒夾道皆長松
官爲編號懸牌子樹記其生枯之數遙望小松
布滿崖谷其多如薺數十里中青蔥不斷山故
無名予目之曰萬松岡詩以紀之

虬枝引路百尋強五粒新柯密化行說與它時編地志
嘉名合喚萬松岡

連岡登頓不嫌疲爲愛清標瘦更奇頗勝湛然老居士
低頭下拜萬松師

蒲圻山行

我家東海上百里不見山偶然平地覆一簣優已自號
岡與巒茲來山行已五日置身長在煙雲閒橫峯側嶺
各秀絕如眉如髻如玦環如龍掉尾牛奮角神龜縮頸
長蛇蟠濤聲十里松子落楓葉未老青猶攢恍惚置我
山陰道應接不暇目力艱寸岑倘可移吾里壓倒虎邱

潛石室詩集 卷之
夏馬鞍高人偃蹇恥標榜名字那肯畱塵寰區區河伯
傲海若夜郎自大吁可歎

高嶺舖

一徑入煙霞危崖赤似砂石奇蹲巨豕路曲縮長蛇揲
釜宵煨芋提筐午捉花邨居無面勢茅屋數家斜

口占

萬疊雲嵐有路通一峯不與一峯同松篁夾道如迎送
人在秋山紫翠中

湛湛江楓葉未丹相逢有約莫盟寒重來記取浚秋後
烘染殷紅待我看

潛研堂詩集卷六

門人黃鍾校字

潛研堂詩集卷七

嘉定錢大昕

宿萬年庵用壁閒吳文恪韻

庵有董思白書
歎心處三大字

琴筑鳴幽澗聽來不厭喧
鐘磬和月遠木葉受風翻
與曠疑天設清涼卽佛恩
安心何日竟我欲問桑門

將抵巴陵

入山八九日山意漸闌珊
螺髻經千疊羊腸刺幾盤
泉聲無雨縮蟲響入秋寒
遙望煙邨外漁舟閣淺灘
戴星忙結束卓午偃消停
樹影窗中速碁聲枕上聽
有情花展靨無事鳥梳翎
此太巴陵近煙波渺洞庭

岳陽樓

傑閣出城墉驚濤日夜春地吞八百里雲浸兩三峯已
極登臨目眞開浩蕩胸不因承簡命那便壯游逢

曉行

爲避風波就陸行潺潺卻愛聽谿聲楚南不比黔南險
也覺途無三里平

沙岡凹凸不成山也有煙嵐四面環遙見人家邨落近
青螺出沒短牆閒

長沙

行盡官郵兩月程崇城百雉儼崢嶸雲開嶽麓千尋碧

秋霽湘江一鏡明，礪砥砮丹仍土貢。
火耕水耨樂邨氓，笑它遷客憂卑濕。
每日登樓玩晚晴。

賈太傅宅

石牀柑樹跡云徂，故宅猶傳賈大夫。
世已治安偏上策，賢如絳灌尙嫌儒。
洛陽太守封章薦，宣室君王禮數殊。
如此遭逢良不薄，未應問鵬寄揶揄。

東長沙張慧川明府

獻紵論交十載前，滄浪亭畔話纏綿。
絲訪秋圓沛宵連榻，過夏長安午擘箋。
管領風騷名下士，平章山水吏中僊。
停車傍聽輿人頌，三異中牟萬口傳。

昨歲燕臺我送君今朝握手楚江濱折麻不待衡門鴈
卷幔同看夢澤雲泉性出山仍峻潔蘭言入座三盃清芬
宦游我侶文園倦慚媿臨邛恭敬勤

屈賈二大夫祠

太國憂君志未伸千秋庶會共湘濱吉占枉向靈氛卜
痛哭誰憐年少人呵壁問天空侘傺沈書弔古寄酸辛
莫言宣室虛前席也勝招魂七澤辰

中秋試院對月

萬里清光一樣圓重簾淡靜夜忘眠箏琶俗調休來耳
冰雪高文若有緣射策諸生夔穉燭鎖闈同事鬪蠻牋

明珠魚目由來混恐負 天家鐵網懸

試院示同事諸公

杞梓丹沙眼底收評量甲乙費窮搜劔埋地下猶沖斗
錐處囊中自出頭從古文章無定論由來場屋困名流
風檐甘苦皆親歷珍重諸公子細求

五色迷離信有之隔簾幼婦認妍媸須求神駿驪黃骨
漫賞鮮新桃李姿腕底生枯憑畫筆眼前勝負賭圍碁
當場勒帛休輕下此是青衫淚濕時

楚南士子場後以試文謁學使吳雲巖前輩雲
巖決其必售者五人曰丁牲丁正心張德安石

鴻翥陳聖清比揭曉則五人皆中式而五魁之
中得其四焉楚人傳以爲盛事雲巖有詩因和
其韻

一一春蠶會葉聲善鳴此日果先鳴鑄顏蚤識心良苦
說項方知隄獨明僞體別裁當代望愛才如命古人情
三年手植多樛榦分荆無私玉尺平

吳雲巖學使訂于重九日載酒嶽麓登高兼訪
山長劉孟調前輩以風雨不果往次日孟調以
詩見寄次韻奉荅

擬訪臬比嶽麓陽道鄉遺跡未全荒一宵秋雨回征櫂

幾疊青螺掩翠妝，問字相從緣恨淺。看山有約興空狂，
臥游只合師宗炳。欲借冰絃四座張。

嘲道旁楓樹

秋光九十去，侵尋樹樹山。楓尚綠，陰枉費詩人盟。息壤
不知叵，信在霜林。

代楓樹荅

何心火迫染臙脂，遺世方成絕代姿。可笑鴈臣歸太蚤，
不曾畱待葉紅時。

予旣作詩代楓樹解嘲，次日山行楓林有數株，
先紅者復成是什。

片片秋容獨自矜一宵霜後暈潮凝不欺然諾從來少
數本真成耐久朋

重過武昌

黃鶴磯前水抱樓金沙洲外荻花愁燕吳南北俱迢遞
兩地離情入暮秋

登黃鶴樓懷翁覃谿中允彭六一編修

二公典
試湖北

榜人催欲渡小泊爲登樓奇觀詎容失高秋師此游空
濛雲外岫浩蕩水中鷗信美非吾土凭欄亦少畱

城以依山壯樓因得地奇塔仍元代勅棗說古僊遺樓
前

有勝像寶塔題云大元至正威順王太子建後
爲僊棗亭有棗一本枯而未朽云僊人所植紫蟹秋

來味丹楓霜後姿登高羨星使來趁菊花期

湖北當事
例于重九

日置酒樓上
延主司登高

田家

霜落秋原萬木衰蕭蕭亂葉逐輕颺漁舟小泊丹楓裏
邨酒初芻黃菊時老屋旋蝸催墜戶新畬驅犢蚤翻犁
官租足了身無事鐙火團團婦孺嬉

德安道中

一徑穿山頂人來樹杪行輿丁防足滑擔僕苦肩頹楓
柏天然畫原田局上枰三關遙在望翠巘倚雲橫

楊忠烈公

漣祠

海石堂詩集卷七
五
茄花委鬼日猖披想見張髯曠目時倉猝移宮關大計
慨慷伏闕進危詞姓名空冠東林籍魂魄誰招鎮撫司
齒冷三朝修要典南牙宰相北牙兒

入平靖關

曉看紫翠畫圖明不信身從畫裏行谿水一灣分向背
山雲片刻改陰晴盤旋石磴重關峻曠蕩秋原古木平
屈指歸程垂及半幾回清夢到神京

信陽

淮水淺可涉楚雲望已微日斜棲鳥樹人語釣魚磯伐
木家燒炭襄縣客製衣往還經兩度逝景迅驂騑

確山

朝辭明港驛夕秣朗陵芻風力冬來壯山容寒到枯櫺
慘悲落葉蒼莽眺平蕪此公中原近官郵總坦途

曉行口占

山行五日僕云痛歷徧嶽崿得坦途底識主人賦平行
幾番回望翠糝糊

遂平

蕞爾吳房邑猶傳夫槩封隱成淮蔡蔽直達汴河衝納
稼先完賦于茅計禦冬邨岷閒最樂擊壤話高春

郟城

古召陵地韓退之平淮西
碑勝之召陵郟城來降

清石堂詩集 卷七
楚使盟書地淮西戰紀動激波潁陽月古驛召陵雲老
樹全成秃饑鳥侶喚羣蒼涼荒艸路誰弔太邱墳

臨潁

小邑停征旆高歌倒酒杯苔蘚鍾傅字艸漫馬融臺禪
漢詞多詭依梁事可哀千秋傳潁谷純孝輓風積

鄭子產祠

新鄭

東里有祠堂輿人誦不忘救時羊舌誚授政子皮良製
錦成非易操刀割恐傷墓門遙在望心折杜當陽

鄭州道中

山如秃赭樹如髡風緊雲凝漲霧昏算道冬來生意少

青青宿麥徧寒原

渡河

古渡尋榮澤遙山辨太行
落槽中溜緩解纜一颿張微
綠千畦麥滾黃萬樹楊回思
前濟日彈指改爻涼

曉行口占

日出煙消見遠邨
嵐光依約是蘇門
天容山色看無別
只認遙空抹一痕

最凌寒山面目眞鉛華洗盡見精神
天然古澹仍堅瘦
比侶嶽寄磊落人

湯陰

羨水流城北淇泉屈邑東
霜清僧寺磬樹老古原風
故里堯君素荒墳嵇侍中
金牌三字獄千載泣英雄

韓魏公祠

宋家賢宰輔屈指首韓公
將相三朝寄安危一體同
黃花堅晚節霖雨斂神功
漳水有時涸此祠終古崇

渡漳水

水道三冬縮輿梁十月成
荒雞催夢短瘦馬踏霜行
趁蚤僮偏嬾衝寒酒易傾
畿南今日到遙指滏陽城

晚抵邯鄲

邢趙山川指顧閒
太行千里勢回環
寒雲北入邯鄲道

落日西銜車騎關倦鳥梳翎將就宿疲牛脫輓自知還
往來驛吏多相識塵流征衫幾許斑

倉客行

平原豪俠如信陵傾財結客坐上盈錐處囊中相奇士
三年不識毛先生騏驥千里由來寡戀棧甘心託廩下
蚤知碌碌皆公等悔殺美人謝蹙者雞鳴狗盜脫孟嘗
不如世有市義良三千珠履從春申不如世有無望人
翩翩濁世誰最優觀君玉貌皆有求君不見千金上壽
天下士拂衣徑去魯連子

沙河道中

霜落山無色沙滾艸不生一河岐兩派五雉見孤城文
筆顏開國功名宋廣平梅花亭外月十里送人行

定州道中

寂歷荒寒古渡頭空林敗葉落颼颼何人領畧蕭森意
明月清風過定州

昭陵繭紙久無存響榻臨撫互攷論肥瘦紛紛辨眞贋
空依定武佗兒孫

雪浪齋中秀色參松醪自釀最清甘八州佗督如春夢
又見孤臣到海南

晚行清苑城外見月

十月十五日

朝辭郭隗里夕宿徐河涯明月大如鏡照見人鬚眉空
林葉盡脫了不蔽清暉微風動枝柯水中荇藻披一颿
風利過乃是人影移誰言霜月苦玩之獨忘疲山家多
畏寒未暇領此奇行者日有午有景無人知寓意不留
意適爾與吾期瞥眼恐易失援筆爲賦之

自我出國門五見明月圓鎮陽禮大佛虛堂可譚禪武
昌東湖驛圍碁夜忘眠中秋在試院官燭三條燃歸來

宿岳陽鏡面天水連

六月十五宿眞定隆興寺七月十
五宿東湖驛八月十五在試院九

月十五宿岳
州岳陽樓

今夕復何夕清光益激鮮地以南北異節

亦溫涼遷惟有如珪月長此清淨緣過去及見在未來

亦復然太潔性所抱有恒德斯全莫嫌霜華冷悟茲忘
言詮

寄楚南諸同好

乘傳曾游七澤濱三秋氣候侶春分曉山出霧皆成浪
晚樹和煙半化雲引路松櫟存古幹涉江蘭茝有奇芬
舉頭嶽麓遙相望恨未摩挲北海文

寇蓋追陪恰四旬芝蘭臭味倍情親舊游回首譚三泚

慧川刺史相過
輒譚松江之游

古碣畱心訪九真

清泉明府江君蕉畦
以手搨吳九真太守

谷府君
碑見贈

太守風流懷鄭監

寶慶守鄭
君東里

文壇派別說吳均

學使吳雲
巖前輩

清風店上重相憶落月依稀入夢頻

還京述懷

僂指星輅半載期
楚雲燕樹兩相思
幾回夢憶金鑿
直兩度恩叨玉尺持
湘浦秋風催驛騎
廬溝寒月照鞭
絲歸裘檢點羸前度
篋裏新排一卷詩

江明府于九拓石鼓山劉莘老題名見貽并索詩

江侯昆弟古與稽
同游石鼓窮西谿
二分垂足百尺梯
徧拓唐宋元人蹟
千里緘致費赫蹏
忠肅畱識尙未翳
廣韻鳥

奚切

軒如老鶴立羣雞
熙寧新法算黍圭
抗論十害

遭排擠監倉公暇
兩子攜振衣扶屐
來攀躋九字疲勁

懸虹霓

題云劉摯莘老來游跋隨侍凡九字右方題云後百八十三年六世孫震孫蒙恩來持庾節拂

拭舊題不任感愴寶祐二年秋九月旦凡三十三字

誰與護口貝錦縷父歿不葬

肆慢慳

廣韻郎奚切 拜罷錄元祐六年言者論摯父歿于衡委而不葬爲子不孝摯抗章辭位自他

家庶記以辨當時之寃

文孫持節腰玉犀三改甲子跡未迷拂拭

遺刻心愴悽孫以祖重名不漸維公忠義爲梠柢偶然
飛鴻印雪泥重之乃與瑤琨齊人貴自立非虛兮

題袁蕙纒孝廉南湖艸堂圖

湖光一輪鏡面措四圍遠山眉黛佳誰與寄賞營茅齋
松毛覆檐浩漫階軸簾終日扉掩柴仰屋著書萬卷排
不妨土木爲形骸有時乘輿上翠厓自攜藤杖青椶屨

蒼茫高詠金石諧澳門別駕

謂張雲
澍同知

同調偕相於唱和

投詩牌力返正始芟淫哇扁舟過訪泊水涯由來臭味
無參差不知主客相忘皆多君嗜好與俗乖泉石之癖
如宿痲偶游京洛行六街征衫曾不浣塵霾題君畫卷
手屢以敬亭雲氣滿我懷

薜石宮庶庭前叢菊盛開招諸公同飲賦詩竝
作墨菊長卷出以見示并屬題

小庭才半畝點綴頗不俗春華詎非佳獨愛秋英菊黃
白閒緋紫淺深各有族不用瓦盆不用架縛竹所貴
全其天自然無拘束主人供寫生不寫形寫神淋漓潑

墨汁下筆清而淳百四十餘朶朶皆鮮新裴堂風牡
丹凡品何足珍眞花元入畫畫花直偏眞相與圖主客
洗盡京洛塵幾日不相見坐失此良會卷後許題詩附
庸收自鄙迫冬花事歇掩關且塞兌日手畫圖看已勝
雅集再

送吳二匏舍人南還

一葉梧桐始報秋潞河東下趁輕舟歸程十里嚴陵瀨
紅蓼西風古渡頭

薇垣詩格數吳均歸興秋風戀紫莼閒煞青綾舊時被
對花題詠復何人

手版支頤爽氣來家山大好足徘徊天都面面光明海
此太休教空手回
凌寒兩到夙齊名姜被今年又合并不羨春明聽漏夜
對牀風雨夏分明

五塔寺

卓立金剛座巍然五塔崇猶傳印度式匪假育王功分
影光明月搖鈴縹緲風石闌終古在不壞是真空

萬壽寺

宏麗仁王寺經營萬歷年飛來奇石簇藏弄漢經全董
役傳常侍延釐說九蓮一鐘移兩度彈指悟因緣

明永樂中

命姚恭靖監造鑄大鐘重八萬七千斤藏大內萬歷丁未建寺移置于此國朝雍正中復移鍾于德勝門外之覺生寺

昌運宮

香火前朝院天風戛玉笙門開青嶂對人蔭白松行亭

覆康陵敕

碑亭二其一刻正德五年六年敕諭兩道

苔封內監瑩

宮爲正德中司禮太

監張永所建賜額混元靈應宮永墓在其後德元明宮在朝陽門外遺址今無攷

客來譚往事幾覺勝元明

劉瑾建大

雙林寺

可怖修羅相無遮演撲兒祇林誰咎構像設至今貽洞

失明陽跡碑畱媚竈詞

碑稱寺後築上石爲山有明陽洞左臺右榭今皆廢毀碑中稱

馮保曰
恩公

隔牆半畝地片瓦拾沙彌

寺東爲興教寺明景
泰中司設太監王助

所建香火院以奉梵僧
者今已鞠爲茂艸矣

哭吳雲巖侍讀

隔夕仍同醉今朝遽哭君只疑凶問誤難制淚珠紛朝
露晞何速愁雲黯算分受恩三楚士誰化大招文

題韋鐵夫授經圖遺照

先生扶陽之苗裔漢唐以來稱德門詞章雕蟲哂小技
枕蓆六藝培本根廿年寒氈冰雪擁打頭屋小如祇園
諸生執業競問難辨舌欲擬懸河翻胃中空蘊經世略
手無斧柯誰與論側聞秉鐸泗州日咨詢疾苦行荒邨

州城久漫洪澤水民田大半居魚龜何人奏報水已涸
廬并非故租額存一田兩賦計畝算遑恤閭左朝無鎗
一朝丈量 詔書下奏記上官叩 九闔至今泗人口

碑在活我婦子釋戴盆當時牧民者誰子媿嬰坐視徒
聲吞從來行道必有福不于其身于後昆公餘下帷課
子舍亭亭玉立皆瑤琨五郎標格夏絕俗執卷雜誦無
晨昏誰與傳神在阿堵鬚眉彷彿清而溫少陵熟食示
宗武康成禮堂傳益恩惜哉祿養生未及展圖涕淚空
餘瘡生晚悵不識公面得交公子猶弟舅忍饑讀經亦
有志廢棄自歎古井習願從太史乞家法五世教授眾

所尊只愁里中兒，
噍讓那不羸金遺子孫。

獐酒詩爲查恂叔太守賦

三年粵西賢太守，
薏苡明珠百無有。
獐人遮道送公歸，
各各獻以一盛酒。
金臺召客勸客嘗，
色黝而黑甘且香。
好添南徼虞衡志，
滿酌青州從事觴。

題張右丞秋原放牛遺像

華陽真逸自畫牛，
一絡其首一脫繯。
楊岐禪宿靜者流，
升堂羨渠得自由。
斯圖寓意其然不一翁，
方瞳夏白頭忘機。
兀坐與天游，
秋林深處睡夷猶。
烏捷神駿如驕驄，
縱之平坡俾小休。
中青本白厥角抹，
自飲自齧鳴聲牟。

文犧被繡非我儔底須叩角爲商謳
天空野闊任所投
善刀而藏可自謀從茲不作穿鼻羞
翁今已去其神畱
披圖彷彿瞻前修湛然心跡不繫舟
此意得之蒙莊周

題陶吾廬前輩歸去來館圖

先生蚤賦歸去來山中日永循南陔
前身靖節只君是
卜宅仍在匡廬隈羲皇之上有歲月
顏謝以降無人材
偶偕素心析疑義要使俗學除陳莠
文孫指點手澤在
清風彷彿無塵埃小同能承北海學
不須問道求宗雷
平確齋自臨川令被薦入覲賦詩奉柬

幾載參商歎隔塵京華會合倍情親
天涯聚散憐同調

海內循良見古人廉吏可爲從所好素心相對得其真
寒窗小集團團話鴻爪畱泥認宿因

豫章南去數郵程撫字心勞得頌聲錐利終能脫穎出
泉流只侶在山清薦書共道公評在異政知因儒術成
宗派西江兼領袖吏才元不掩詩名

紉書東觀話當年舊雨常懷平澹然木以不材空號散
鶴誠善舞未妨僊要知菽粟功堪濟終勝俳優格取妍
計日朱轡開五馬姓名顯處紫薇天

送商寶意太守之官雲南

十年遺愛粵西畱萬里天南又壯游詩句好顯金馬嶂

心期依舊玉壺秋單車按部人歌德隻手安蠻 帝俗
籌不負衝寒輕叱馭滇山奇秀甲神州

乾隆二十八年起居注書成詣 乾清門入奏

恭紀六首

是日雪

時政年年注 起居編成常屆歲將除尋常卷帙休相
擬此是人閒第一書

紀月編年例發凡卷分廿四祕瑤函 每月分上 一言一

動無虛美特許詞臣手自緘 起居注書成例由本衙門
奏聞卽緘封送內閣滿本

堂庫收貯不
進呈 御覽

元日千官賀 紫宸歲除曲宴酒三巡四時典禮從頭

紀一統于今百廿春

順治元年甲申定燕京一統中外至是歲癸未蓋

世祖章皇帝

百有二十年矣

跋尾千言綴後頭輕塵足嶽露添流清班久占慚何分

四度書中姓氏畱

卷末跋語庚辰辛巳大昕以署

起居注官例得列名歲

未甲申以充官皆得綴姓名卷末

起居注

平明啟事入乾清一隊僊班禮服夏

是日例易補服

中貴向前

相指點玉皇案吏奏書成

鏡海光搖六出駢僊居處處是瓊田呵融雪水濡新翰

夏紀明年大有年

送周雅圭同年觀察粵西

酌君椒花酒聽唱驪駒詞春風一六六千里壯游持節
灘江濬十載情親比骨肉如苔同岑鳥共枝曲江列讌
午試馬瀛洲分席晝課詩僂指同館卅餘輩聚散落落
晨星微素心晨夕我與爾臭味投合無差池前年 天
子試館職如椽巨筆濡淋漓瑤臺月明鸞鶴響坐令笙
磬皆凡卑才人例具用世畧 特簡侍從充監司文章
經濟本一揆名位輕重由人爲新正錄別遽分袂露輶
直指天南陞計程西江歷南楚沅湘交會連浯谿衡山
石廩可落手起看雲海鋪琉璃粵西山水夏殊絕一峯
獨秀卓筆錐七星巖迴捫列宿西湖波澹激清漪戟門

晴暇鈴索永按部排日接幽奇磨厓處處識歲月妙跡
何減焦黃碑宦游如此良不俗那戀班直趨蛾眉雪中
鴻爪皆前定兩萍會合必有期南魚北鴈報無恙庶幾
一慰長相思

門神

蚤春佳氣正充閭袍笏僊曹一例除刻畫從人爲活計
推敲無地得安居彈冠卽是當樞日冷睨相看對面初
故紙堆中堪送老功成不退待何如

火判

誰言官到判司卑燈市元宵得令時炙手盡知騰上速

清石堂詩集卷七
攻心卻以架空奇電光石火爭些子鳳髓龍筋炫阿誰
捫腹此中何所有因人作熟亦憐伊

題曹檀濬先生柳汀觀稼圖

廿年前侍春風座負郭無田居轆轤倉硯何曾飽糜粥
叩門差免催租課此時只羨多牛翁碌碌登場飯黃稷
旁人拍手競揶揄矮屋頭低氣不挫一經遺後計未失
厥父載菑子肩播掌上珠元照乘明庭前槐已參天大
紫泥封誥下九霄里鄙聚觀牛酒賀人情轉眼改苑枯
先生付之一笑歌卻寫江鄉觀稼圖綠楊流水圍邨曠
黃梅雨足瀉淙淙三寸新秧始分科水田蕾蕾如掌平

主伯亞旅來相佐立苗欲稀兼欲勻縱橫成列無偏頗
方阜堅好幸其然鹵莽滅裂報將柰秧歌信口無宮商
前者一唱後者和先生科頭搖羽扇閱看三農泥沒髀
齊人要術書可續石湖榘興詩能化頗欣南畝亦懷新
未戀北窗但高臥買田異日恐虛譚望歲庶慰民勞瘁
伊予上世本力耕竊祿官倉良已過回首鄉園願浦西
四體不勤計何左陶潛歸田吾欲云樊須學稼公毋呵
從游應許老門生倘昇籃輿備一个

潛研堂詩集卷七

門人黃鍾校字

清石室詩集卷七

清石室詩集卷七

清石室詩集卷七

清石室詩集卷七

清石室詩集卷七

清石室詩集卷七

清石室詩集卷七

清石室詩集卷七

潛研堂詩集卷八

嘉定錢大昕

奉 命典試浙江

頻年奉使單車出手種齊松與楚
茫三度承 恩今較
渥此邦文獻甲它邦

鍾陵制義穆堂文浙榜從前說兩君
眼力縱輸前輩好
得人猶望張吾軍

順治甲午熊公伯龍康熙庚子
李公紱主浙江試最稱得人

聲名標榜久相忘不愛腴田陸氏莊
但願它時到台蕩
有人爲我具春糧

出廣寧門

又作皇華使輕裘出郭門雨微前路潤雲淨遠峯尊
古榮真忝程材鑒恐昏臣心元侶水擬與漸江論

趙北口

漣漪百頃鏡光涵十里長隄路舊語淺艸平沙通薊北
板橋流水侶江南兩行官柳排濃綠幾隻漁舟點蔚藍
浩蕩白鷗應笑客浮家泛宅只空譚

毛萇里

申培轅固各專門誰侶毛公詒訓尊北海作箋傳古學
西河製序啟真源四詩未墜斯人出千載云遙故里存
太息後賢矜鑿空欲將部婁廢崑崙

董子故里

蒼莽長河古木疏
流傳董子下帷居
天人不媿賢良詔
道說羞稱功利書
曲學公孫方貴幸
助邊卜式蚤遷除
空譚災異真何用
絕倒從游呂步舒

周亞夫祠

棘門霸上兩營分
細柳堂堂獨不羣
大慰君王拊髀意
竟收頗牧佗將軍
泗人念盡容行賦
此樂於樂如前君
重厚堪爲少主臣
願成遺命記來真
如何吳楚功成後
撤箸翻憎鞅鞅人
末無相代以爲味
皆豈非一良規
途中偶佗苦死
苦死苦死苦死
苦死苦死苦死
苦死苦死苦死

久晴厭塵揚久雨苦泥滑正使不晴亦不雨曉猶畏風
午病渴人生大患求無厭乃以我相

太公聲

咎造物一身所

欲尙難副天公焉得人人悅吾儕乘傳四牡駢日有廩
給廉度支居停得所人忘疲客行如此樂復樂偶值暑
雨意不怡何況悠悠行路者敝車羸馬愁軻飢徵逐名
利將奚爲

空齋
卽事

畿南千里列輕郵纔過雄州又冀州半日晴兼半日雨
五分夏樸五分秋綠楊樹底鳴蟬語紅蓼邨中浴鷺浮
指點卅年來往地飛鴻指爪幾曾畱

晏城

地入齊河縣城仍晏子封禳星詞正大枕股義從容節
儉砭時失流連究主訥但存足欲戒邾殿盍何庸

將至開山鋪

青山正如黃叔度旬日不逢鄙吝生忽見馬頭晴翠湧
計程知已到長清

長清山行

四圍屏障侶天成人靑山缺處行雨過亾添谿水響
秋涼偏愛嶺雲生朴淳摩詰田家句平遠營邱畫裏情
好景當前愁易失停輿卽事一回賡

登岱

巖巖氣象傲王公，錫號天齊配昊穹。
五嶽降神尊第一，長男出震位居東。
登臨始覺乾坤大，讚誦眞慚擬議窮。
梁父肅然分左右，同時頰首丈人翁。

歷盡巖嶽十八盤，攬身已在碧雲端。
煙光依約齊州小，水氣微茫少海寒。
石壁尙畱唐帝隸，玉符莫問宋家壇。
傲來峯高峙空千丈，俯睇聊同一簣看。

水激沙崩石磴危，振衣直上不言疲。
畏難長恐中途誤，陟險全憑定力持。
目極吳門橫馬匹，手摩秦樹認蚪枝。
壯觀天俗今年雨，添得錢河百道垂。

前月大雨磴道閉
爲水所壞行至山

半尚有相阻者
予堅執不可

半生虛慕列僊材日觀天門未到來此度初窺真面目
新秋夏喜霽氛埃已離下界衣無垢漸近剛風樹不栽
偃蹇羣峯休傲客新從岱頂賦詩回

程蘊山明府招飲白鶴泉上

晨游東岱上層巔歸路重尋白鶴泉山水夙饒狂士癖
淹留爲有主人賢蒼茫孽絮雲初合激灑浮波月正懸
酩酊今宵判盡興詰朝南去又揮鞭

羊流店謁羊太傅祠

古祠瞻拜薦山肴野店西風石徑坳墮淚碑猶存峴首

浮江計已定吳郊輕裘偏愛文人服杯酒何嫌異國交
不是君王能信任樂羊二篋訪書滄

宿遷道中

近水田多下依岡徑半荒人貧愁旱潦地小束隄防老
屋苦爲瓦終年麥作糧莫嫌淮北陋千里亦同鄉

雨中過永濟橋

垂虹一道枕清波漁戶竿篙挂綠蓑載得滿船魚虎子
秋風細雨六塘河

隄上

三伏汛初過新秋仍滿槽增隄沿歲例刈葦歎人勞驅

向林端過波逸屋頂高寢薪憂曆火迂闊獨吾曹

清江浦懷舊

壬申之夏渡清口固哉亭前賦折柳

是歲相國高文定公具舟送予北上

同舟者仁和周君天度陽湖莊君櫺及予三人固哉艸亭在河道總督公廨之西文定公所建

三千里

路送輕舸素心晨夕得二友周生媿雅才胸羅四庫無

不有莊生倜儻士痛飲狂歌坎鼓缶三人齒序我最少

挹袂拍肩相左右只言莫樂新相知風裏浮萍那長守

我今乘輅重渡河已成老翁髮未皤莊生投劾周生歿

聚散零落同逝波艸堂突兀猶如許艸堂主人今何處

華屋山坵瞥睨姝粟主空聞祀袁浦十四年來如夢中

雲泥泡影總成空，惟餘九折黃河水，仍與清淮流向東。

漂母祠

一飯且知報寧忘，推倉恩少年輕國士。老母識王孫，惠比千金重。名將百代存，娥姁亦巾幗。鐘室淚空吞。

題淮陰釣臺

試問眞王貴，何如守釣磯。生慚噲等伍，那至結陳豨。鐘室謀何亟，平城計已窮。暮年思猛士，太息擲良弓。

董江都祠和冰持前輩韻二首

漢代徵賢良，天子臨軒策。晁董及公孫，舊史可尋繹。江都獨純粹，言必則古昔。六藝是表章，一使燭火息。嗟哉

曲學徒枉尋勵直尺居然廁公卿坐受小吏白君看平
津閣何如廣川宅休言宦不達幸免故人責

先儒專一經白頭守師承惟公業春秋天人理可憑人
事或僭樂五行災異乘貴近勿優容天警見園陵眚李
譚祿祥所見判淄澠讀書重有識毋任勦說仍膠西王
雖倨禮賢尚足稱下馬拜遺祠百世願振興

同冰持前輩登金山次韻

平山佳麗說揚州爭侶江心翠黛浮車馬塵埃從不到
忽疑天際結飛樓

蒼茫四顧全無路縹緲中流得此山身住風波卻安穩

始知方丈在人閒

遠望蒼蒼紫蓋形
馭風頃刻到青冥
只疑身是乘槎客
鉅漢中央一點星

妙高臺巒俯羣山
玉帶橋頭水一灣
莫道單椒形勢小
聲名久已動江關

銜刀如廁也徒勞
兵解由來數算逃
世上豈無營葬地
卻將遺蛻付風濤

禪房要下各排連
曲徑穿來翠嶺巔
試取中泠第一水
要從波底得真泉

半日無風海氣晴
山靈知我遠來情
游僊真挹浮邱袂

同到金鰲背上行

焦先舊隱若堪攀咫尺丹梯想像閒得隴何妨仍望蜀
取之不禁是名山

游寄暢園

名園結構自然佳眞在青山綠水涯奇石介如廉士操
清泉鏗爾古音諧濃陰半畝松杉在樂事三春花鳥皆
萬歲亭前瞻 聖藻輞川別墅詎能儕

虎邱

巨石千人坐清秋雙屐停樹含新雨潤窗入遠峯青臺
識高僧跡池藏古劍靈蹟名多未蝕手錄補圖經

左旁
崖石

有淳祐辛亥四明程振父等題名右有淳祐癸卯長樂潘勃等題名德祐乙亥天台戴覺民等題名又石觀音殿壁間有宣和六年胡少汲等題名紹興八年向子謹題名自來修山志者皆未之載

山塘

宛轉山塘路繅華自管傳波光千里暎郭外萬家連樓閣煙中市笙歌月下船狂游思曩日彈指十餘年

游上方山

果然奇秀占三吳樓閣空明入畫圖半畝疏篁蟠徑曲百尋紺塔倚雲孤山容蘊藉眞名士波影清妍彼美姝宐雨宐晴宐月夜石湖元是小西湖

石湖

激灩紅亭射曉霞波光百頃渺無涯居民種芰分湖面
小艇叉魚踏浪花遠浦風煙通震澤上方鐘磬出楞伽
田園樵事皆詩料曾是當年參政家

泛澹臺湖

解維鮎魚口落颿寶帶橋激波杳無際十里明青瑤輕
颿出其閒快翦分生綃煙開虹亭樹風動淞江湖水禽
去又來葭葦寒蕭蕭緬懷浮家客清標不可招臨淵起
餘羨且聽榜人謠

入德清縣界有橋曰望僊喜其名與吾鄉同他
詩紀之

潘碩堂詩集 卷八
故園門對小橋開，顧浦西偏一水洄。此地嘉名欣偶侶，
今宵鄉夢若相催。魚梁蟹斷分明見，桑葉菱絲次第栽。
怪得征人屢回首，僂疑身已到家來。

初到杭州

生平但願識杭州，僂抵人間萬戶侯。五十日程欣始到，
四千里路不空游。湖光澹沲遙連郭，山色清佳恰傍樓。
只待秋深公事了，畫船載酒暫勾留。

試院戲題

終朝閉閣亦何爲，萬卷文書次第披。還怕粗心失佳士，
闈中一月廢吟詩。

秋風片片落花飛射的雖懸入穀稀簾外未知逢勒帛
點頭猶自祝朱衣

壯游濟勝興空賒閉置眞如新婦車一道重門分內外
吳山咫尺卽天涯

倉筍

簞簞千畝菜人頤已過春山燒筍期
羨喜鞭梢秋正長
倉單頓頓一斤貽

主司供給單每日鞭筍
二斤日有兩頓倉故云

填榜

丹沙竹箭眼前收袞袞諸生放出頭
百炬燧來渾不夜
文光直射斗牽牛

揣摩剽襲枉辛勤千手雷同欲亂真
別白淄澠心獨苦要令世有讀書人

青袍鵠立望如何得意常稀失意多
雷取寸心公道在冬烘頭腦任人訶

鍼石相投有夙因飛花茵溷那能均
宋家坦率休輕誚我亦當年落解人

泛湖

秋水清無滓天然鏡面平
四圍山色髻鏡裏照分明
出郭僂離俗泛舟聊適情
樓臺金碧色人在畫圖行

九日浙中當事招集小有天園登高卽席得句

依巖面水敞軒堂賓主東南翰墨場信有湖山稱絕勝
不妨風雨作重陽是日笙歌入耳音非俗詩酒當筵興
最狂佳節向來孤負了今朝高會願無忘

表忠觀

錦袍玉帶儼天人鐵券當年字未湮運至開門稱節度
時平納土列功臣碑文淳古思和仲祠宇馨香續妙因
忠孝千秋終會報卅傳枝葉尙紛綸

岳忠武墓

已奉班師詔空憐涅背文雕兒能告密竟撼岳家軍
一紙到詔獄雙棺藁葬時五郎猶有子二聖竟無兒

清石堂詩集 卷八
公案莫須有沈冤何日伸東朝猶未返遺悵賈空人
文臣動喪錢武臣多憮死中原事可知含冤到獄市

浙闈戴事蒙 恩給假省親恭紀

久列蘭臺校祕文每依北斗望南雲叨承 鳳詔衡多
士曲體烏私荷 大君十日循陔申眷戀一庭舞采試
續紛老人倍覺精神爽聽話 天恩到夜分

程才濟北又湘南玉尺叨持已度三敢戀湖山尋勝槩
庶憑文字契眞參人誇桃李新陰茂天與椿萱老境甘
此日登堂拜家慶添將佳話入叢譚

故鄉風景尙依稀暫卸征衣著錦衣門外喜無熱客鬧

案頭猶是舊書圍家傳壽骨占應驗

臣祖贈奉政大夫
王炯年九十二祖

母朱氏年
八十二

世戢良箴誠勿違羸得親朋相歎羨羸金終

讓一經韋

經旬子舍重畱連回首睽違十四年車服敢言稽古力
箕裘恐負義方傳翁誇嬰鑠休扶杖母恤單寒爲著緜
分付臨岐無別語 主恩高厚寸心鑄

過青駝寺遇雨

青駝寺北太匆匆古木寒煙四望同十月東風吹雨過
蒙山全沒暮雲中

口占

清溪堂詩集卷八
調調刁刁西風生蕭蕭撼撼落葉輕秋蟲唧唧復唧唧
客子行行重行行

曉行

曉星欲落猶未落僕夫催我起趁站清泉橫道淺可涉
老樹人立儼冠劍誰家牛鐸已先鳴櫟以鞭笞言多儻
我語僕夫且緩行月黑沙濼防馬陷

望岱宗殘雪

雨霽已三日岱宗殘雪明斜拖吳觀練寒偏泰安城風
勁裘知敝霜濃酒易傾匆匆乘傳過回首玉崢嶸

山行

沙回路轉歷巘巖窄處纔通劍一槭獨木橋敲師代筏
隻輪車小卻張颿葢茅屋比旋蝸縮戴石山如覆釜黻
日暮馬蹏行較疾識途應喜脫征銜

十月二十八日河閒道中遇雨

十月小雪候北方例無雨昨已入大雪頗訝氣蒸礎晨
興日光澹亭午雲氣聚微雨從北來廉纖絲萬縷淅淅
落疏林滑滑憚行旅彷彿江以南小春候如許六合今
一家天意示和煦徒以疆域分淺哉夏蟲語

雪後過鄴州

睨來猶見雨斑斑
那識飛糞積此閒
雪滿寒原全漫路

霧籠遠市只疑山官郵百里分
冷客子兼程又往還
趙北燕南今日到孤城指點瓦橋關

一寒天趙北口殘雪

林端積玉尙封條冰下叉魚泛小舸
想得西湖當此日

孤篷聽雪段家橋

琉璃河

征車轆轤媿塵顏咫尺西峯未易攀
一片玉裘成世界
琉璃河上望房山

題查恂叔太守榕巢圖

太平賢守政多暇
解西一池綠波瀉
不須岸上夏牽船

頗喜枝頭可築舍一榕婆娑數畝餘材不材閒天所赦
直榦撐空風日遮橫枝臥水龍蛇化向背俯仰隨面勢
侶與先生作閒架巢居之閣有前例嘉樹何嫌吾久假
開徑祇須就樹根安窗恰好尋葉罅一榻以外長物無
十笏之居樂土偕水氣微茫只侶秋月光穿漏偏空夜
判牘何曾公務妨覓句且將熱客謝身居瘴鄉貌夏腴
日坐斯巢美無價只今卜宅傍春明尙戀前塵如味蔗
乃知寄託苟不凡一枝居然勝廣廈不然打頭矮屋長
欠伸樹猶如此徒悲吒天南榕樹多無隄此樹因公得
名亾丁寧莫掃舊巢痕宅時好與甘棠亞

漫成

一水逡巡活羣山峭蒨親日長桃自銜春蚤柳橫陳蜂
蝶忙何事絲蘿施有因喬松千百尺偃蹇不隨人

丙戌禮闈卽事用壁閒韻呈望山相國漫士少
司農鳧川少宰及同分校諸公

南宮登俊鎖闈深元老司衡赤舄臨燕許文名推藝苑
韋平相業出儒林接驪眞喜珠光映射斗還愁劒氣沈
話到寒窗檣古日風檐甘苦卅年心

廣座從容語笑深聚奎堂上德星臨前身永叔元文伯

司農公名
與歐公同

當代宣公久翰林煙染松煤香細細光分藜

火夜沈沈冰壺表裏俱澈澈想見和衷一片心

勺水難分渤澥滾螢光敢竝月華臨隨班幸躡僊人跡
列坐眞游佗者林刻燭已輸才捷敏剝蕉猶媿思滾沈
穆如一誦清風句取士無非報 國心

斗室低吟一榻滾七年光景兩回臨

庚辰會試
會預分校

飛鴻踏

雪重尋跡新筍逢春又出林所望宗工懸尺度只愁宿
學易埋沈應眞十八東西列同證菩提不染心

題邵蔚田侍讀收綸圖

六鰲曾得手獨繭遽收綸此去江湖闊煙波自在身
緣木人求欲信天吾所師得魚同一飽漫畫亦奚爲

一璜何足戀白首釣磻谿試看投竿者江鄉醉侶泥
蛇足休重畫屠刀且善藏從今林下好見一枊新堂

題趙編修陽北耘菘圖

淺水淙淙雨後添讀書不礙灌園兼猩脣鹿尾都嘗徧
那及秋菘分外甜

冬至後六日錢籜石少詹招同查儉堂太守紀
心齋侍御程魚門舍人畢秋飄侍講曹竹虛編
修小飲分韻得日字

三百有六旬赴壑蛇行疾吾儕耽文酒爲樂時勿失朝
聞折簡招快若瘡太蝨隆冬相暖熱他會慕真率後至

不我拒密坐可促
剗酒行蕉葉
二客偕竹林
七捫腹
方
僂僂舉疇尙逸
逸主人顧
妣客言啟
畫禪室橫斜
萬玉
圖
煮石山農筆

席閒出王元章萬玉圖長卷傳觀

一一皆生動疑有暗

香出華光與補之
誰能漫甲乙
忽憶香雪海
玉梅萬株
密此時踏雪尋清逸
興無匹見彈思
炙鴉欲語失笑唾
近游天所許
懷歸我已必
銷寒判今宵
友梅願異日

送趙雲松出守鎮安

詔守繇難郡官
辭侍從班文
雄能敵瘴政
簡足安蠻臘
月衝寒太長途
叱馭艱天教
詩境拓飽看
粵西山

世方尊外吏
君尙戀春明
結習惟文字
關情獨友生
才

由夏事出心到瘴鄉清算獻等邊議南交亦我氓

府南
爲交

陞地交人奉職
貢甚謹故云

謝文節橋亭卜卦硯歌

硯爲查榕巢
太守所藏

是何一片石千秋磨不磷
壘山先生遺手澤滿堂觀者
神爲振當年變名入建陽
朝天橋上亭中央明夷三日
義不食卻以破硯當餼糧
君平賣卜非吾匹北望中原
長嗷咽眼中只有石丈人
江南且無廝養卒集賢學士
來求才手書卻聘心不回
太息佗銘刻左右重公并重
此石友

硯之兩旁刻程文海銘云此石吾友也不食而
堅語有之人心如石不如石堅誰侶當年采薇

不食守義賢也
凡三十二字

首陽采薇計已成倉皇重佗燕山行憫

忠寺中守義死不食而堅與硯侶公之北太硯南畱埋

漫泥沙百冊秋好事得之識歲月廢硯足抵周天球

硯背

有明人題宋謝侍郎硯五字左方云明永樂丙申七月洪水太橋亭易爲先生祠捐地得之闕後學趙元榕

巢太守癖嗜古紫檀匣子滾藏弄斗室居然七客寮耐
久石公堪共語歙州龍尾名夙聞貞心不轉獨此君停
尊欲酌忠臣酒炙硯慚無放膽文

病起

四十年猶壯經旬病獨侵害風增欬逆伏枕屢呻吟思
澀詩魔退精銷藥債尋今朝差快意屋角聽鳴禽
五色徒盲目三餘欲息肩安心真是藥省事僂成僂昭

澤石堂詩集 卷八
畧生來瘦元章近日顛山妻苦相勸第一且歸田

人日同王琴德朱竹均曹來應畢湘蘅陸健男
四十五登泐源寺後閣晚飲琴德寓齋同東坡廣陵會
三同舍故事各以字爲韻予得曉字

人日例登高此風近來少西曹澹蕩人志欲出塵表約
我試春游初哉首基肇泐源古寺近毘盧修閣窅一握
太天裁千里極目了鈴語清而和鐘聲輕不窕上方洵
巖淨下界徒纏繞犀首適無事止酒毋乃矯同隊水中
魚故交松上莠睡復恣詼嘲不待引介侶騷人感初度

是日予四
十生辰

歲月如過鳥念念煩惱縛泐鏡本常皎在

蒲褐師

琴德好譚禪頭所居曰蒲褐山房

大意已先曉泰山秋豪末究

竟誰大小

舟行偶占

十指拏篙邪許同腰牽百丈曲于弓篷窗兀兀低頭坐
閒看來船使順風

浩歌擊楫滿天涯生長江鄉每自誇半夜疾風人不寐
始知泊宅不如家

衛河

河曲如之字颿斜作扇形依依岸芴桺猶賸數分青

臨清

城外雙流合波光玉帶彎風尖舟佻箭水縮岸成山置
牖裁通漕譏商舊設關北來稱鎖鑰煙火萬家環

阜河

出牖通泖口沿流下阜河颿隨風轉腳勝過水旋渦樹
老殘黃葉沙明浴白鶩旅人聽最喜半夜有吳歌

宿遷

左挾中河右大河彈丸小邑地無多長風送客過淮浦
輕舫沿流學楚歌畚土丁夫勤版築算緡關吏恣喧訶
拊循彫劫良非易傳語當官政莫苛

見道旁艸舍戲作

雪壓風掀雨又零
編氓終歲苦伶俜
誰知廣廈神僊客
也縛黃茅作小亭

汜光湖

激湖萬頃鏡新磨
撒網家家住碧波
行到淮南勝淮北
艸房漸少瓦房多

冬至京口阻淺

到家途漸近
畱滯復連朝
風逆濤頭縮
天寒澤腹枵
行傾京口酒
坐俟海門潮
不寐鰓魚目
隆冬第一宵

偕蔣春農舍人游甘露寺

潤州城北三芙蓉
管人曾以神山況
屹如北固居中央

震爲長男方主鬯老鶴昂藏首俯啄卻顧金焦雙翼張
甘露之寺當其巔傑閣凌虛誰管榭茫茫浩劫閱廢興
刹竿千載猶無恙元豐鐵塔插紫霄正統金經闕龍藏
修廊屈曲宛虹垂正殿巍峩滿月相六時梵唄長讚誦
萬里江山他供養古鐘製從至正年巧思乃出平陽匠
達魯花赤識姓名方信圖經語多妄

大殿銅鐘元至正九年造鐘款有鎮

江路達魯花赤馬速忽總管李世安鎮江上萬戶府達魯花赤永安名又有溫州路平陽縣匠人名鎮江府志職官表失載馬速忽名又誤以李世安爲達魯花赤不知世安漢人不得任達魯花赤也

我管翦江

數往還揆奇未到常怙悵天寒潮澗阻歸舟夙緣未了
今宐償舍人本是山中人導吾先路蠟屐繡水枯遙指

巖壁露木落兼無榛歲妨徑造禪關心地涼夏上岑樓
眼界放哆口直欲吞滄溟摩頂居然俯羣嶂平生富貴
吾不戀一餉清閒神所貺會須徧踏江南山竹杖從君
次第訪

遣懷雜題

悼亡妻
王恭人

泊宅秋來願少酬輕裘穩上潞河舟清輝玉臂今何在
看月蓬窗獨自愁

布衣椎髻不曾嫌雅稱貧官上竹鮎懊惱疾風吹爨室
從今擬廢五音占

挂壁丰姿宛似君返魂那有異香薰真成南旺湖頭水

行到中流卻兩分

鐵甕城邊風雪餘

京口阻淺兩日

三山秀色望何如
魂歸到此

應畱戀四十年前說
帆柁

恭人生于丹徒學舍

江上青螺秀作堆
風流眉嬾事成灰
將愁排遣終難子

只似潮頭空又回

生無枉橫亦無愆
相見今生詎有緣
倘遇蘇州趙十四
結壇判倒一囊錢

伯通橋下水如鉅
一管經過亦愴神
廡下祇今誰舉案
固應目我作凡人

美酒新魚自製詞
急流長怪退猶遲
今朝果泛東吳櫂

孤負懷歸管仲姬

管夫人漁父詞身在燕山近帝居歸心日夜憶東吳對美酒膾新魚除卻

清閒總不如趙子昂顯云吳興郡夫人不學詩而能詩不學畫而能畫得于天者然也此漁父詞皆相勸以歸之意無貪榮苟進之心其與老妻強顏道雙鬢未全斑何若行吟澤畔不近長安者異矣

彈指匆匆歲又除安仁髩髮已全疏縱然下溟田居遂
夏有何人出荷鋤

八音歌效黃山谷

金屋貯阿嬌彈指朱顏彫石椁自云固長夜不復朝絲
吐蠶已僵玉韞璞空剖竹林有達人閉關但頌酒匏樽
引自酌醉入無何鄉土中皆可埋青鳥誠荒唐革故鼎
取新勞勞歲月促木樵匠弗顧得全吾道足

金人背有銘戒哉三緘口石言晉魏榆反常乃爲咎絲
惟欲無何籥不挂臧否竹直慙先伐水虛故善受匏繫
人所全櫟散天與壽土炭重有時榆枋起亦偶革華暫
相於毛穎盟耐久木人石心兒仲御吾尙友

潛研堂詩集卷八

門人黃鍾校字

潛研堂詩集卷九

嘉定錢大昕

到家作

十年詞賦殿頭傳，一夜蓴鱸夢裏緣。
竊比奎章虞閣老，在朝應制又歸田。

虎邱追和清遠道士韻同陳葯耘作

春風吹我游閉門，眞癡漢最近數虎邱。
而無猛虎窟，平平轉多奇。小小頗堪玩，陳生今雲卿。
有伴元結漫舟繫，青山橋人行綠楊。
岸劒池水清淺講臺石，零亂摩娑顛
名字殘缺已失半，俗生不好古遺文。
日日放散安能呼，蟬

蟬與之語昏旦日高花坼房雨過禽刷翰撫景良可吟

學道遲自歎皈心普門品合掌人天贊

石觀音殿壁間刻大乘妙法蓮

華經觀世音菩薩普門品一部下方列銜者自右僕射兼門下侍郎平章事曾公亮而下凡九十餘人不署年月以宋史宰輔表公亮除授次第推之當在熙寧初矣

和陸魯望補沈恭子詩韻

有序

魯望補沈恭子詩不知恭子為何人予以南史

證之蓋吳興沈初明也初明仕梁為吳令陳文

帝時以明威將軍還鄉卒于吳中其答張種書

極道虎邱之勝誠不媿風流詞翰之目矣所謂

清遠道士者或寓言如茂陵通天臺之比抑世

果有僊人千年不久而遊戲人間者邠晉宋已
降官未至台司又無五等之封而得謚者例稱

子

安期曾于楚柱下亦仕周誰云列僊人非卽爾我儔關
洛一枰弈秦漢兩部優日月眼中過山水腳底游棲神
遊八極鍊形藏九幽不知何時臘但覺天易秋適來與
我遇勾吳有故邱竝坐千人石偶配劔池流彭塲孰爲
天今管奚足愁翩然化鶴去肯化樊籠囚桃源津已問
干寶記獨搜况兮成夢覺爾唱我且酬

第三泉

吳郡志唐張又新品第東南烹茶之水
爲七等以虎邱石井爲第三松江爲第

虎邱泉第三又新品久傳阿誰屈次五後來強爭先

陸羽

品虎邱泉第五

人心有愛憎泉德無縷妹夫惟不爭名是以長

不枯

游師子林

柏池松徑未全荒咫尺居然萬仞岡題詠最多名士句
清幽爲近上人房繚而曲侶盤之谷阻且長非水一方
畫手倪徐今不佗天畱真本在吳閭

鱖諸巷

俗說爲穿珠巷

炙魚抽劍決須臾曾爲吳王啟霸圖何事世人多愛富

卻將俠客他穿珠

虎邱觀玉蘭

虎邱玉蘭天下傳坐臥其下日屢遷游人莫漫輕顛品
曾閱游人六百年

白子絲粟膩于腸晴日烘開澹澹香共信潔清能自保
生來不上美人妝

托根近在泐王居萬朶含苞次第舒欲祝人天長養力
更無風雨一旬餘

同陳葑菑宿陸篠飲荷風竹露艸堂

江漲橋頭路油雲濕四圍偶同陳正字來訪陸接微艸

閣邀山入蔬園得雨肥主人畱信宿翦燭話依依

同篠飲葑耘步至湖上泛舟登孤山放鶴亭

湖山與我有夙約際曉東風收雨腳清游造物詎我靳
火急出門杖策各客兒蠟屐從所好陶令籃輿且先卻
花光橋抵松毛場桑柘陰陰青繞郭一重一掩引入勝
四山合沓疑張幕三年再到西子湖澹妝濃抹渾如昨
榜人解事若相待一葉扁舟鏡中著沿綠挈音苻藻閒
卻上孤亭望寥廓管人孤絕肯結廬特立雞羣意有托
茂陵不艸封禪文齒冷乘軒衛公鶴有山可居品僂高
欲買空言氣徒索興來且化十日游廉讓之閒差丕惡

上巳日游靈隱諸山

不負嬉春上巳期，氣晴天朗最相宜。
菜花黃俗三分減，桺葉青兼萬縷垂。
對酒常醒嗟少債，愛山成癖未須治。
鴛峯著意延生客，紫翠玲瓏特地奇。

飛來峯

峇堯鸞嶺認靈蹤，始信飛來第一峯。
壞塔尙傳埋舍利，幽龕隨處肖眞容。
洞穿巖腹皆通透，泉出雲根自激涼。
結習未能忘好古，題名一一拭苔封。

湖上襍題

十里春風碧玉流，四圍曉霧翠眉浮。
游人第一難忘處

潘石堂詩集 卷九
四
明聖湖中水月樓

湖船精妙者名水月樓見戒庵漫筆

一片光明鏡裏身
四時涼燠總宜人
十分面目纔窺半
前度淡秋今暮春

湖上寓樓

錢塘湖口寺門前
黃篾三間一榻優
排闥山爲不速客
傍檐柳亦有情緣
清宐摩詰詩中畫
窳比思光岸上船
晴雨春光都領畧
樓居眞足喚神僊

葛嶺

稚川澹蕩人偶爲
餘杭游遂令斯嶺
名與公俱千秋我
來登絕頂江海生
雙眸雲蒸僊巖石
竹覆僧寺樓井湖

煉丹舊臺延初暎浮清泉流鳥下宛聽琴空侯蚤裝導
養拙神僊非所求卻掃謝浮榮有許同調不何必訪勾
漏此中可忘愁

葛嶺詠古

集芳園裏貯蛾眉鎧火西湖此一奇六載襄陽園不解
相公卻有半閒時
公田搜括竟何堪幕上營巢計太憨風月無邊枉拋卻
南行愁煞木棉庵

鳳凰山

天目飛來一鳳皇婆娑兩翼拱錢塘木波公後遺蹤失

猶有人稱御教場

一王駟馬萬人誇腰鼓城堅靜不譁造物那知有舍貴
卻驅怪石爲排衙

水樂洞

水石相撞擊善鳴假以鳴何必絲與竹太音無虧成

三生石

咄哉澤公癡三生證夙諾顛倒一念誤乃爲情所縛生
歿且未忘何怪長墮落至人外形骸無相本無著

重游飛來峯登絕頂疊前韻

只疑偏仄少行蹤捫葛真登最上峯石露攀頭何齒齒

雲生寫下自容容夕陽倒射巖間塔夜雨平添澗底淙
珍重飛來莫飛去天龍爲我一丸封

韜光庵用白樂天招韜光禪師韻

嶺上疑無路雲中別有家行過翠竹徑忽見金蓮花浩
蕩登高興清幽學道芽啞羊真可哂不會趙州茶

神尼舍利塔

神光夜起般若寺阿師識兒風骨異五柱入頂鱗角生
苦桃馱走兒墜地焦梨嚼索數欲終晚得天下文軌同
此公詎止他柱國佛忒所佑非人功仁壽初元頒舍利
各造浮圖石函瘞河朔清流解貢諛普爲諸州紀符瑞

妙善菩薩入涅槃眼地伐大漸放癩阿慶侍疾數無禮
區區佞佛良可歎慈悲之教自天竺沈猜峻法禪宜促
可惜神尼付囑言不勸君王少誅戮恆河沙劫閱廢興
斷塔猶以神尼稱人言佛光夜常見昭徹十方無盡鏡
僧房偶題

公案重重落日窠上堂舉拂意如何九年面壁無言說
失笑兒孫語錄多

打包參學辦行騰青豆房頭度牒增休說解吟僧亦俗
爾來并少化詩僧

學士橋

背郭一灣春水活臨湖盡日遠峯描它年倘卜杭州住

記占清波學士橋

橋在清波門外

寶成寺觀元人所鑿麻曷葛刺佛石像次葯耘

韻

世閒何人最慈悲調御丈夫號悉達若云慘毒可度世

何異活人用野葛世尊皮肉捨勿吝普濟眾生如抹渴

云何番僧化變相卻塑魔王喚菩薩祝釐漫說朶兒禪

梵語或訛馬吃刺纍纍鬪骸懸臂前吮血磨身澹生活

苟觀縮舌增怖恐錯認鬼母劫兒鉢我聞黑神起北方

柳貫護國寺碑摩訶葛刺神漢言大黑神也摩訶葛刺卽麻曷葛刺譯音無定字

提兵南下助

式邊當時君臣各膜拜受戒皈依息慚怛涿鹿之北全

寧南

涿州全寧路俱有摩訶葛刺神祠

六時供養求解脫此像鑄從至

治年石不能言也塗抹供羊羊果害人不帝師義墮氣

已奪

輟耕錄今上初入戒壇見馬哈刺佛前供羊心上曰曾聞用人心肝者有諸帝師答曰有之凡人萌

歹心害人者事覺則以其心肝供百上再問曰此羊曾害人乎帝師無答輟耕錄所云今上謂庚申君也

寶石山次韻約耘

峇堯出城西卓立千花塔雷峯儼弟第鴈行不相襍曉
迎曦光射暮受雲氣納盤石踞其顛呀如門半闔山高
風自涼匪秋亦颯颯二分垂在外側足敵輕踏遙聞鐘
磬聲隔嶺相應蒼天然好圖畫可憎付邨衲安得買山

資結茅安木榻澹沱高士湖一日繞一市傳聞寶正年
制書可摹搨千搜竟何有前路碧蘚合

游吳山紫陽洞

城隅抱崇峯樓閣插天半支從龍山分秀奪蛾眉粲晨
聞折簡招濟勝得良伴小泊學士港同訪列僊館孤亭
洵四宜平臺詫大觀紫陽頂最高丹磴陟匪憚湖山秀
而文江海浩無岸分明在目前一一几上玩山腰尋古
洞曲徑連復斷人險螳穿珠得路鳥攫翰飛來青芙蓉
拳開紫絲幔豐下朶頤垂窪中引手盥迷蹤注睨認異
境咤舌歎僊翁筇棲眞妙用在嬾散胡然怛化餘畱偈

召舉案乃知情難忘夫豈吾輩但山中遺蛻在俯仰人
代換合威倘歸來安識舊里閑學道煮沙初駐景熟脚
且對酒且放歌低昂任土炭

湖上對雨

疾雷殷殷陣雲烏對面山光一霎無
牖口忽疑噴急雪波心無數撒明珠
快思老杜翻盆句濃似襄陽淡墨圖
獨坐小樓叫奇絕雨湖真箇勝晴湖

連日徧游湖上諸刹有懷古德各題一絕

虎跑寺

寰中

說得須行得何人悟宗旨多事兩於菟
遠移南嶽水

泐相寺 行修

修公古如來宴坐味禪悅參禮但默然永明大饒舌

聖果寺 文喜

前三後三三惘然昧多少文殊自文殊大意吾已了

靈隱寺 慧理

杖錫西天來呼猿明月上孤峯飛何之師言毋乃妄

鳳林寺 道林

棲禪依鳥窠安心架巖廣可笑宰官身不知住處險

瑪瑙寺 智圓

杜門中庸子不識王欽若致意老慈雲一僧且畱卻

龍井寺 元淨

辨才住訥齋非辨亦非訥何處見全身唾霧卽明月

智果寺 道潛

苦空百念冷新句尙驚眾一酌參寥泉是身卽是夢

歸舟口占

輕波滑笏一颿開細雨畱人濕綠苔多謝南高峯頂塔

五十 平里外送儂回

題王麓臺蘇齋圖卽用卷中查初白先生韻

峩眉僂人太渺茫誰能抗手與頡頏遠哉尙友七百載
有若米顛寶二王與古爲徒世大笑從吾所好生非狂

稽首拜遺像堂堂復堂堂儼然俛仰指讓于其初當年
桃榔林中儼屋尙見逐祇今空齋供養弈弈鬚眉光鏡
潭月相磨繡谷花半掩地已占清涼心眞忘夷險麓臺
翰墨奪化工咫尺萬里望不窮雪堂白鶴觀恍忽移此
中天人游戲八極同飛鴻偶見指爪蹤不信桃花塢畔
宅牕中突見長帽翁伊余生晚思遺風裴回小庭三徑
通珊瑚網中畫卷亦無數清遠獨愛王婁東丁寧勿浣
寒具手過牕雲煙夫豈偶紀聞它日傳中吳耕漁之軒
名與俱

倪高士耕漁軒圖
爲吳人徐達左他

銘心絕品世所無

題王石谷蘇齋圖

笠屐續唐古丈夫騎驟太遠欲相呼東坡號俗香山白
繡谷齋顏玉局蘇春夢過來那有迹小園賦後未全蕪
摩挲雙眼誇奇絕心折耕煙第二圖

題繡谷牡丹圖

康熙已而蔣樹存先生選諸名流于繡谷送春庭中牡丹初放

馬元馭扶義楊晉子鶴徐致采若及目存上人
上睿各圖一花乾隆戊子十月先生孫應平出

圖相示爲
賦二絕句

臙脂多買亦何爲一朶居然絕世姿好手寫生從古少
徐黃難得在同時

藍尾三杯酒未乾斬新花蕊出豪端百年手澤能藏弄
羞煞人家黑牡丹

家中牡丹

暮春三日到臨安頗悵尋春後牡丹那識故園遲半月
天香猶是待人看

讀漢書

黃綺避秦漢采芝汗漫游不與豎儒伍而况辨士流吾
寇幸無恙欲溺將奚由姓名落人間失計逢畱侯鴻鵠
羽翼成徒爲娥姁謀假館建成所安呂非安劉區區具
金幣毋乃溷公不

茂陵慕不死意與僊人期豈知巫蠱禍乃自方士貽黃
老尙清淨文景所以治變而譚神僊所見一何卑我欲

見鉅公罔上如嬰兒服藥可少病勿爲妖妄欺

在漢中葉後政柄歸尙書置相不選賢直取容默徒流
汗婦參語僂背吏夾扶扶陽與防鄉醞藉稱通儒恩澤
列徹侯促媢保位俱威福自臣作履霜慎厥初居攝頌
功德後來奚足誅

厚味實膾毒高位易觸罪五鼎會幾時失意復菹醢不
見葛繹侯刻印拜上宰涕泣不甯受自云從是始才果
濟蒼生盜歿亦何悔淺哉曲學夫持祿不知止

文綱日以密士節日以貶造請公卿閒見笑徒自點剗
席避田蚡長指無汲黯將軍官臨況治具吾敢儉乃公

戒牀下大要教兒調偉哉平林朱願請尚方劍
持平三尺法人主與民共云何武健吏內滾次骨痛操
下束濕薪一時重足恐殺人計自安古法置匣用天道
有神明好還神所恫賢哉萬石姬斯言可警眾

贈張丈擔伯

詩翁老太髯毛疏風格依然正始初無事何妨浮白飲
研思雅稱艸元居羊求舊侶凋殘後禽尙游蹤冷落餘
魯殿靈光今獨在它時通德表門閭

王彙英家藏古錢歌

錢府上士受姓始我今逃債無從逃九章綴術亦曾學

不解子母營羊羔平生最嗜金石刻鐘鼎款識窮爬搔
貨布襍品儲一二如捉贏蛤遺鯤鼈王生好古今都穆

卜居恰近吳南濠十年藏弄肯出示古色斑駁爛錦條

溯初尊盧首化幣三品後出泉布刀外圍函方泐九府

扣囊底智自六韜金刀契鎔布么幼黃新代漢先塗高

真人白水讖已驗造物終馱蛙聲囂五銖之廢開通鑄

椒房指爪瘡滾牢紀元各各吉金勒三司呈樣頒神皋

所嗤僭偽盜正朔寸沔妄欲驕海濤世閒兒女尙厭勝

吉語宛轉銘周遭幕文奇詭難輝述星官北斗下采旄

雙魚三雀隱龜背蒼龍糾屈鸞翔翱或言撒帳取善頌

貴主釐降夸富豪或云佩之辟五兵卻鬼可當度索桃
顧諳洪志人所讀愛而不見空鬱陶多君聚之在掌握
區別年代分牛毛臨川之愚和嶠癖同牀異夢嗤若曹
阿堵中物如此良不惡傾身障簾誰訾警孔方絕交吾
已久畫餅奚勝啖白荅白荅艸食之不飢乞君拓文遠相贈瓊
瑤欲報心忉忉

題姚和伯射獵圖

寶馬苜裘態甚都車中閉置晒非夫不看南部煙花記
卻擬東丹射獵圖

詭遇休誇獲十禽參連白矢汰重尋由來射御無非學

見獵何妨儒者心

逐兔呼鷹一隊偕
雨餘天闊淨于揩
江鄉那有寬平地
姑妄言之亦復佳

登馬鞍山

一峯縹緲小而奇

歸熙甫云吾島之馬鞍山小而實奇

乘興登臨憶少時

彈指流光真小劫
拍肩名士又新知
危崖大字鐫和仲
荒艸孤墳認改之
欲倩孔珪謂孔鶴瞻謝猿鶴獻嘲休
諠北山移

頤王未巖畫

并引

未巖修撰蚤為麓臺入室弟子
筆法蒼勁駿駁

欲度驂騑前登第未久卽赴玉樓之名尺素流
傳人爭寶之此本雖未完而架構已具一展開
閒如見經營慘澹之迹鶴谿主人善藏之勿爲
人豪奪也

縑素風流數太原奉常墨妙啟兒孫麓臺已老耕煙畝
又見吾鄉畫狀元

浴堂西畔蚤修書紅杏詩才小宋如幾輩句臚矜第一
評量能事要推渠

買畫金多膽太豚紛紛贗鼎散人閒匡廬眞面誰能識
一幅糝糊未了山

崑山學宮石

洵美夫子堂卓立一品石氣蒸震澤濤秀分洞庭脈天
公爲鐫劖雲楣起襃積混沌竅鑿七空洞腹容百舞女
大垂手飛禽小張翮劍客但蒯緌神人儼冠幘中豐肥
勝瓠下銳枯疑脂豹文窺一斑螺髻露寸碧置之在東
膠重于寶尺璧雨灑翠娟娟雲生青圍圍左股割蓬萊
全身見姑射玉山連修眉婁江繚匹帛侶充雪堂供不
費康樂屐吾儕雅好事來觀溯疇昔謂言丈人峯來自
平泉宅

石本宋參政衛文節公家物

夷亭潮初驗石浦居新闢扇障

元規汚詩取白傳適奇石聚所好兼金買非惜九華列

几案二室落肘腋羅立如兒孫得意詫賓客茲石尤絕
倫與公交莫逆雲煙過眼殊山邱回首隔高齋犁爲田
曲池填成陌遂令皺瘦姿半遭屠沽巨歸然適有幸觀
者愛無戮巍巍尊經閣肅肅函丈席諸生競摩挲異代
發光澤介如君子操偉哉巨人迹它山攻可藉一簣進
求益洗宐泮池水陰俗歲寒柏十鼓媿岐陽七壁陋張
伯謙云一卷小冑以九鼎易卻憶畏壘亭曾載吳松船
雙峯比秦華百年挂蘿薜

歸太僕安亭故宅有雙石其一亦衛文節物

邨童

敲火頻牧牛礪角亦席裏倘移來劍合眞喜劇盡取望
徒奢得一心已懌奇傳到公名拜學米家癖清叔人可

重熙甫記良核題詩論後來流連日將夕

題西莊丈室散花圖

毗邪一室靜無朋十笏量來了不增爲有散花天女在
此生判佗在家僧

茂苑春光花白紅
斬新一朶倚東風
天然滿月天人相
只恐劉元塑未工

雕籠百舌弄朱脣
萬首唐詩記得真
見說送郎新句好
清才今又見陳玠

法門不二悟如何
結習多生佛所訶
何事靈山諸弟子
一身容易著花多

淨名示疾原非疾
噓蠟無心卻有心
多事登肩老羅什
不知吞卻幾回鍼

邵楸亭築小樓題曰梧巢
作詩四首諸同人多
有和章邀予繼和

百尺樓居倚碧梧
目窮千里豁平蕪
秋霜躡屐接鴉舅
春雨添棚護鼠姑
境到閒時喧亦靜
心從安後有仍無
南華義諦都參透
牛馬隨人儘意呼

傻欲身攀棲鶴巢
安牀恰對樹枝交
購書只侶求聲鳥
避俗眞嫌在戶蝟
魚亡戲餘蓮動葉
燕方來候竹抽梢
元亭問字尋常事
門外從無熱客敲

惠子多方據槁梧維摩宴坐佗跏趺木因號散能逃斧
金爲求祥怕躍鑪立脚定來知地闊置身高處侶雲孤
堯夫觀物書成後安樂窩中自得吾

果有楊修菜有巢主賓襟坐閒談嘲樓高雅稱登王粲
詩苦偏宜學孟郊親友搏沙嗟易散光陰炳燭莫輕拋
嗟呼偃了申初約不遣塵埃積滿坳

讀蜀檣杙畢得絕句八首

井底蛙聲妄自多鬼兵開國事如何武陽叢冢閒枯骨
枉向風塵識八哥

樂府新聲試轉喉海棠花蕊想風流徐家姊妹皆傾國

玉貌偏輸趙解愁

玉簫歌徹月華新
長夜觥籌集會真
怪煞嘉王悲底事
臨觴不飲太癡人

翊聖宮深入侍會
煙霄謬陟那能勝
十臣各有安邦畧
專寵無如剃髮僧

龍舟戲水碧淙淙
花外樓臺見數重
從此錦城真侶錦
城頭張幕種芙蓉

長鞭萬里去何依
餘慶新年願已違
天水東遷向何處
夢中神語出青衣

指揮如意擁貔貅
漫擬隆中第一流
卅載平章非伴會

宅年降表要卿修

石經次第刻豐碑下筆羞爲輕艷詞莫道降王才思少
官箴四語後人師

外舅王虛亭先生挽詩

華屋山邱瞥眼殊江鄉太息失潛夫伐檀詩格先雙井
嘉祐文心啟二蘇身健幾曾扶卽粟心安偶喜坐團蒲
十年八座郎君貴雒誦依然稷下儒

清羸碧鶴鈍無知一見偏將國士奇不獨譽兒兼譽婿
只空稱舅又稱師三年寂寞鰥魚泣七日倉皇梁木萎
地下若逢靈照女爲言蒜髮已如絲

潛研堂詩集卷九

門人黃鐘校字

清石室言集

門人清石室言集

潛研堂詩集卷十

嘉定錢大昕

京口阻風

恆河回首感波斯
潘岳顛毛蚤就衰
舟遇逆風多費力
人來熟路懶題詩
漸疏肉食牙將落
苦愛山行腳未疲
問訊竹林知不遠
天應畱我一接奇

榜人謠

江上多顛風三日斷來去
鄰船猶未開且莫爭先渡

渡黃河四日入邳州境

水急沙滾兩岸彎
經旬不見髻螺環
推篷一笑真難得

海石堂詩集卷十
目送邳州幾點山

昭陽湖

濛濛萬頃水雲風八月猶殘菡萏紅湖上人家無長物
蕩舟齊出賣蓮蓬

一年強半是辛勤家具無多只一身菱角魚苗都賣卻
晒將荷葉當炊薪

兩行老柳綠方酣百里遙山翠欲含只少紅樓兼畫舫
風光約畧侶江南

謁先賢仲子祠

世已無堅白誰能免枝求升堂功自進浮海太何愁品

與顏曾亞賢于管晏流巖巖鄒嶧近
廡倉共千秋
太息東周日虛生政事才未逢治賦
使終致結纓哀君子窮如此強哉矯
不回浩然畱正氣魂魄想歸來

濟寧

鴻爪重來此地畱清波依舊遶城流
天邊又見初弦月
沛上終誇第一州水引魯橋回玉帶
碑傳漢隸搨鉞鉤
尋常那敢輕顛句子美南池太白樓

杜文貞公祠

森木鳴蟬八月涼拾遺游跡未全荒
中書落筆才眞壯
賓客諸侯老更狂直欲許身追稷契
何曾譚藝薄盧王

南池再拜瞻遺像宛到成都舊艸堂

南旺

四面皆成浸中流貫一河民居編葦易生計捕魚多打
棗秋霜煮懸鐙夜舫過尙書遺澤在庶貌儼巍峩

分水廡

十夫躬許舌脣乾挽索長嚙上水難不道順流元有日
試從分水廡前看

輕颿如箭激漣淪下牖開頭捷有神好語來船莫相妬
明朝各自順流人

衛河

順水拏篙捷乘風挂席便漸移雙隻埃默數往來船岸
柳秋仍綠沙禽晚欲眠河流元自濁不礙月長圓

古詩

治生無良方要取纖嗇善不見東家翁起富百千貫幼
小歷辛勤到老腳猶健兒孫漸積惰蚤眠起常晚婚嫁
選高門煩費不知墮產分食指多歲率恐無羨乃逸侮
父母空使識者歎

新隴故鬼冢古屋今人居百年一小劫艸木夏榮枯當
其快意時自詡智有餘錢刀身外物偶爲我之儲人滿
天所槩封殖徒區區子孫已難保勿嗤它家愚

東家選入官西鄰試登科側聞長老言祖父積善家一朝遽自大輿服相矜夸內史固貴人里門冑下車英特縱邁咎行義恐不加世情見爛熟睡付一笑呵

伊尹世所師與人靳一介取之胡不然多多毋已太子母算無遺尺寸得始快忍斷友朋交不念骨肉凌疏傳欲幾何和嶠癖可怪老至耄將及益受孔子戒

楊邨道中

岸岸垂楊萬縷斜輕陰日午不飛沙只疑白浪如銀湧十里秋風喬麥花

顯王雅宜僭銀券

文云立票人王履吉中央文壽承化中僭到袁與之白銀五

十兩按月起利二分期至十二月一併納還不致有負恐後無憑書此爲證嘉靖七年四月日
立票人王履吉押
他中人文壽承押

艸堂貲待王錄事少米惠乞李大夫分人以財今已罕

稱貸保任古有諸詩人多窮乃往例四壁蕭然了無計

雅宐山色難療饑下策區區憑約契誰其偕者袁與之

白銀五十無零奇萬息二千一歲率貨殖之傳寧吾欺

年月日子紙尾壓歲暮責償應不乏生平恥食豪家鯖

此來卻費山人押風流寸楮偶流傳筆泐圓勁鍼裹絲

好事嚙賞歸文與趙凡評估一字直十千楮先生客馬

少游

此帖爲吳中馬上舍紹基所藏馬生寓楮學士邸

乞我佗詩述其由歲將

卷十
四
暮矣我亦愁有臺逃責招我不

題沈東田觀察小像

調御元無相猶龍患有身信天心是易行樂氣常春山
以靜斯壽梅因清益新當前生意滿落落寄吾眞
靜裏日如年春來樂事傻夢知蕉鹿幻戲任紙鳶牽曉
撰青藤杖閒浮藥玉船行窩隨處有觀物悟先天

題箕僊畫爲曹慕堂給諫作

列僊逃人間無爲得自在云何爲物役毋乃洩天辭前
身筆墨緣結習了不悔促迫見能事淋漓絢異采胷中
出邱壑意外藏傀儡遙山翠列眉餘花紅綻蕾武陵本

人世此景不我給黃門偶得之寶于珠百琲色相真卽

幻達人視齊等

多改切

畫厨慎藏弄莫學狂顧愷

臘八日同曹習庵編修吳白華侍讀陸百山宗

人集趙寶君齋消寒小飲卽席口占索和

車輪嬾逐軟塵忙官意文情兩欲忘

隋書李孝貞傳官意文情一時盡矣

不速竟來容惡客無何且飲卽寬鄉舖糜大勝盤游飯

啜酒兼呼般若湯招引吾儕相暖熱託渠元叔未空囊

翼日諸公和詩未到疊前韻催之

聽鼓應官有底忙會依真率約無忘身藏人海翻成隱
酒遣愁魔別是鄉只愛澹交淡侶水不知世味熱于湯

諸公才大皆詩伯好句先催出錦囊

同人約爲詩會遲而未果習庵疊前韻見示依
其數荅之

身閒心卻爲詩忙結習應嗤老未忘臘盡正空催歲課
交親還侶在江鄉霜肥鐵腳堪成鯁冰凝黃芽好按湯
僂擬清譚消永日從來無底是書囊

黃山谷詩書囊
無底譚未了

輕塵弱艸百年忙自凌垂名久不忘中酒幾曾妨學道
著書何必待還鄉聯吟韓愈應招孟楛體江淹或擬湯
我欲致師慚思澗匹如灘水壅沙囊

題寓齋壁疊前韻

謹戶窮冬了不忙異同堅白辯都忘身隨候鴈重爲客
語類籠禽尙帶鄉故友漸稀星向曙安心已太雪消湯
一家長物休嫌少羞澀猶存舊日囊

紫薇司諫校閒忙渴睡希夷一覺忘大自在能參佛地
無何有可認吾鄉三冬粗足撐腸米甲夜先溫洗腳湯
算計平生幾受用東坡居士腹如囊

再題寓壁仍疊前韻

四十餘年日月忙蚤衰容易事全忘推排自媿稱前輩
諧謔偏欣道故鄉且住爲佳嗟望蜀徒勞無益莫揚湯
如來慧眼看能破未必愚公讓智囊

丹黃塗乙勘書忙掩卷先愁過目忘賦別久枯江令筆
說經欲到鄭公鄉古泉汲井憑修綬活火煎茶候沸湯
杜左和錢均是癖休將傻腹傲空囊

鼻端觀白怕心忙煩惱歡愉要兩忘形影互嘲皆妄相
神僊可致有真鄉滑甘且試青精飯峻利休嘗白虎湯
康濟一身吾已足千金肘後檢方囊

一冬何事夢偏忙梅筍江南思不忘百里近游船當屋
三農活計稻爲鄉澆花特地儲新水薙艸隨時利熱湯
聞說林檎栽幾樹秋來結子定盈囊

得家書知後圃新
栽林檎幾本林檎

俗呼
花紅

東習庵

款門剝啄不辭忙坐久譚淡主客忘甘井汲泉宜勿幕

習庵寓甘井衛衙

官園種菜只如鄉

予寓官菜園上街

校書君正然藜

火病齒吾方呷藥湯卅載光陰敲石過兒時記賭紫羅

囊

傳衣縛律枉多忙挂角羚羊迹要忘誰佞公才誇八斗
眞看詩老出吾鄉蒸砂千劫終非飯薄酒三鍾卻勝湯
攻短自來須苦口刀圭爲我啟行囊

曹劍亭刑部和韻見贈卽奉荅

餽歲人閒他意忙先生閑閣坐來忘兩篇觀物心中易

一枕游僊夢裏鄉老手詩真如咬蔗庸醫藥莫試煎湯
熊羆譚笑居然卻十笏清齋倚隱囊

劔亭疾
初愈

二十二日吳杉亭舍人招同褚鶴侶刑部蔣漁

邨編脩陳寶所給諫小飲慶前韻

行廚眞訝咄嗟忙翦燭西窗話不忘但願同心常聚首
何妨異縣夏宅鄉吟堪度日頻敲鉢熱不因人自造湯
門外飛沙寒刮面欲從質庫檢衣囊

荅巖跂堂和韻見贈之他

黔南薊北馬蹏忙踏雪飛鴻意未忘暮節無師惟索句
才人不遇例思鄉詼嘲顧我真如朔儻慕憐君畧侶湯

一盞酌來相慰藉毛錐那得久藏囊

可怪詩成擊鉢忙把來過日不能忘半空眞見華嚴閣
六出爭奇戶牖鄉力厚侶斟缸面酒味甜欲曠菜羹湯
求魚自笑先投蚓引出人閒罟百囊

己丑除夕疊前韻

九陌喧闐爆竹忙過年俗例未應忘北來幾月俄除夕
南望停雲是故鄉繡襪癡兒能覓粟青裙小婦爲調湯
屋租米券都償了壓歲錢猶足一囊

一夜偏兼兩歲忙春風如候幾曾忘癡獸不賣甘違眾
慈儉能持欲化鄉促坐共圍爐炭火延齡預辦粉團湯

元日食粉團吾鄉謂之百歲團

只愁才減年徒進，食粟區區爲革囊。

竈馬桃符遞換忙，迎新推故了相忘。
艸元多暇官知冷，泥飲相邀士有鄉。
習嬾漸如三起柳，療貧終少十全湯。
祇應无譽仍无咎，日玩羲爻六四囊。

矻矻窮年爲甚忙，文章報國意難忘。
遺經獨抱真奇貨，破硯重磨當狹鄉。
壯不如人思炳燭，行求無悔怕接湯。
開春欲到琉璃廠，購取奇書滿一囊。

次韻巖跂堂正月三日對雪

聞君逃禪學迦葉，不作佛助驚蜺蜺。
苦吟瘦生生未攝，險語偏人和韻疊。
我窮堅壁兵不接，詩腸十日稍安貼。

齋空恣喜爲妻妾苦行如僧少度牒今日何事手指曉
示我新詩笑浮屠春三日雪盈尺浹曰大有年紀瑤笈
常甲如茶萬夫龔眞妃攜從晝出獵六合頰洞一足涉
大慈布施倒囊篋令嚴不聞人語喋詩人舌耕六籍饑
失喜滿酌三升臘一身康濟陰陽燮搖筆千言觀者惜
句奇格變書之箠令我目眴心以愜彼盈我竭欲頽頽
信手荅之倚牀樛技瘡不禁破械輒我詩可棄履中屣
君才有用劔上缺春風馬蹏行蹠躩勿化平原乞米帖
跂堂和予詩兼訂春游賦此荅之

此身何侶舟一葉了識非周亦非蜨聊以詩酒自調攝

憶管下筆文采疊自言古人武可接少游風雨縱安貼
不中退之他婢妾陋哉斷獄取陳牒盲人漫學離朱睫
媼母強效西施靨少他可焚汗背浹君平僊骨注丹笈
沈默艸元語不讐暮化于詩當漁獵奇外出奇趣日涉
白戰了不攜三篋我頃多言悔喋喋豆羹菜菔田父餼
敢匹炮羔祠伏臘獻歲三陽和氣變蟄蟲始振响雉懼
春雲如黛風如箠與子偕游我心愜一笑色動三豪頰
酒一偏提果一樸醉翁飲少一醉輒有山且著謝公屐
有車莫彈馮公鉞過隙白駒去蹠躩觴詠千秋傳楔帖

正月十九日同曹習庵編修張繡堂趙實君兩

上舍游白雲觀次習庵韻

重陽之教起關右一花七葉了無垢神僊宗伯出善門
戊辰正月日十九全真心欲長交梨遺世肘仍化枯柳
千鎗焰向崑崙傳一滴源從甘井瀏馬譚劉郝漫齊名
秦華居然俯陵阜兩朝徵召笑不應卻著芒屨雪山走
老翁八十夏何求曷不杜門丹竈守至人有道先濟物
忍令芸生歿速朽采芝黃綺解避秦區區獨善詎高手
僊家那有不歿方五利文成非吾偶

長春真人告元太祖云有衛生之道

無長生之藥

阿誰辨僞妄訾譽多事山僧想顏厚

釋祥邁化至元辨僞

錄訛毀全真

卽今都人傳讎邱了識長春道長久招邀朋舊

出城西後車不載偏提酒令威千歲幾曾歸不朽之名
乃真壽白雲去住自無心能解世人煩惱否

寶刀行送龔梧生同年之官黔中

梧生藏一
刀甚奇古

寶刀千金淬鷓鴣丈夫出門萬里攜四夏月黑白虹出
隄中貝玉真如泥三刀佐郡才小試百鍊平生成利器
生苗買犢相勸耕循吏于今見龔遂

送胡牧亭侍御南還

矯矯神羊柱後冠曼容移疾遽辭官賣文價賤窮休送
避債臺遙去尙難半世艸元耽寂寞十年薄宦耐酸寒
鄉園舊侶應相待夢澤春風把釣竿

二月廿七日同慕堂給諫竹君學士伯思戶部

登陶然亭

瀟灑閒亭子登臨傻不同人來春樹杪山落酒杯中
艸細纔抽甲池枯不滿弓江鄉當此日桃杏已青紅

哭翟舍人均廉

予乙酉典試所得士

才望雄三浙文章博兩官瘦羊終澹泊小鳳亦清寒
鵬自培風久鮎偏上竹難侏儒應笑爾長飽一囊餐

蘇命妨文士精神憊苦吟空羅胃列宿終欠腹三壬

管轄

言腹無三壬不壽之驗

自牖言如眈居盲病已深祝予何太急慟

絕不成音

題侯官林氏所藏漢甘泉瓦拓本

貴賤世無常不見金與瓦尋常博者注棄之等土苴一
枚傳自漢黃金千勿假古色敵敦彝篆泐證蒼雅誰云
搏埴工恐是造化冶古人一物微製佗不苟且曰長生
無極云漢并天下款識避雷同吉語當祝嘏香泉強解
事毋乃所見寡

陳子文疑長生未
央爲甘泉別宮名

茂陵甲帳空銅僊淚

盈把博物不逢張千年委山野文孫寶手澤勿替引來
者瓦全神所護金籬我姑舍翻怕多財翁笑汝癖成癡
題吳香亭鴻臚古藤詩思圖

海王之邨近書市新城尙書曾卜廬藤花一本手所植

歲久翦敗惟枯株神明扶持終有力生意宛轉枝頭蘇
好花應厭俗客對風流今又逢鴻臚追逐唐賢究三昧
新詩解脫如花腴猶嫌三春花事太夏晴畫手紀以圖
古槐修竹靜者居置身花下晨夕娛綠陰滿架清有餘
封殖無忘前輩譽明年花開可痛飲折簡行復招吾徒
比鄰夏呼程舍人謂魚門相於聯句窮朝晡此藤此屋清
不孤佳話欲繼匏菴吳吏部官廨藤花
吳匏庵手植

同曹慕堂給諫朱竹君學士陳伯思戶部史文
量孝廉曹申之上舍爲西山之游出郊宿二老

莊和竹君韻

海石堂詩集 卷十
十一
按春有伴靳從驂潑睨山光削碧簪心以地偏應夏遠
味于交澹不求甘竹谿耽逸人仍六蕉葉澆愁我亦三
城市漸遙巖谷近此中容得是清譚

張忠烈王輔墓

高冢佀祁連旁可萬家聚蒼涼閱人代忠烈增跂慕百
戰起將門三台贊政務偉哉定南交富良一葦渡縛酋
如縛羊繫頸逮婦孺疆理二十年木壞中自蠹空聞捐
之議盍思鄭吉護可憐東西楊一著偶投誤事往郡可
追墓田了非故猶存翁仲立尙識夫人夫人吳氏石
刻敘宗支昭穆粲然具歐表例可循世系足推溯摩挲

恭靖碑

忠烈子懋碑在其右數十步有碑額云特進光祿大夫左柱國太子太師追封寧陽王諡恭靖

張公神道碑梁儲撰文李銑書

文字中矩度傳鈔病未能俛望斜陽暮

山行疊前韻

仄磴崎嶇不礙驂
樛花瑣碎也宜簪
雲來天外當頭合
泉在山中徹底甘
陟險直須佗氣一
避喧已侶伐毛三
十年結想今纔到
目擊端因勝百譚
歲月堂堂隙過驂
清游奚喜益朋簪
只除佛地境皆俗
每到山行心欲甘
驃騎名眞輸第五
瞿曇義且叩前三
捫蘿恐有遼金刻
好摭遺聞入筆譚

戒壇

清石堂詩集 卷十
三
大眾同回向天神護此壇光明心不昧堅忍力須完
艸根空斷傳薪火自鑽宣尼箴四勿吾道亦先難

傳戒從知幻開山記泐均結壇遷侶答成佛定何人清
磨諸天曉喬松太古春安心雖未竟三宿亦前因

和竹君戒壇讀遼泐均大師碑因弔學士王鼎

三十韻

爲禮司空塔兼鈔學士碑殘編猶可讀遺行已難追博
物雄燕涿通經習禮詩太寧蜚遯日上已祓除期下坐
羣相誚揮豪信不羈識山嚙肉睨脫穎俗毛錐策射清
涼殿名臚白玉墀奪標先獨占紀歲兩存疑

遼史道宗
紀清寧八

年六月御清涼殿放進士王鼎等九十
三人本傳則云清寧五年擢第與紀異初捧州僚檄師

牽縣令絲才名空館閣祕典預論思汲黯言常憇宣公

政屢咨忤時官未進罵座醉偏癡騷客終遷謫清流被

擄笞孤寒經歲甚雨露一朝施果復鑿坡舊何曾鳳德

衰暴風驚忽舉臥榻正無敬忠直神惟佑詞章世所推

珠雖百琲失豹偶一斑遺幢署優婆塞寺有石幢二其一題云受戒弟

子優婆塞范陽王鼎製文銘徵壇主師簡柄文品貴泐護筆蹤貽刻

倩王惟約求容釋裕窺焚椒書可匹礪畢妙難訾椎拓

應千本糲糊恐異時舊間接墜逸正史證階資開國分

封渥丹文制詰知勳纔都尉轉賜許佩魚垂碑頭馬鞍山故崇祿

大夫守司空傳菩薩戒壇主大師遺行碑銘并序朝議大夫乾文閣直學士知制誥充史館修撰騎都尉太原縣開國子食邑五百戶賜紫金魚袋王鼎撰并書 稽古榮非忝逃禪俗漫嗤元言譚吼石密戒受毗尼佞佛何妨達匡君要有裨馬鞍峯頂望懷古且支頤

姚少師祠

瀉瀉泉流檻外分披緇入定戒香熏空登北郭詩人社難上西山老佛墳好殺共知和尚誤著書賴有故交焚依然病虎形容在曾否聲名直半文少師自贊畫像云這箇禿廝忒無仁聞名垂千古不直半文

夜宿潭柘寺用石刻金僧重玉韻

泉清山瘦氣如秋假榻精廬臥亦游夜靜與居惟木石
心忙難伏侶龍蚪月篩叢竹搖空影風入高松響急流
一室了無增減相此身今欲號浮休

妙嚴公主拜甄

相傳妙嚴爲世祖女于史無據
恐是傅會之詞元時宗女皆得

稱公主不
必帝女也

眷聞元公主苦行何精進六時五體投一甄雙趺印沁
園自言富視之如朝薜汰輪得慧珠愛河斷利刃單極
幹可絕受礪石欲磷區區搏埴土踏破存者僅至人得
魚忘凡夫刻舟認饒舌紫柏師寶爲山門鎮匣藏尙宛
然曾費宮錦襯當時宗室女下嫁魯趙親各各冒貴主

澤石室詩集 卷一
稱內朝鴈行覲詎必出薜禪齊諧勿盡信

僧房偶題

漸綠春來艸常青屋裏山門前無垢水不官到人閒

潭柘寺

四圍山簇青蓮花蓮中之的汰喜家篋裏龍子自來公
殿頭鷗吻猶含呀泉聲無盡波羅密樹影可怖鳩盤茶
盧溝橋只一舍近行人不記恆河沙

三月廿二日同錢宮詹籜石紀太僕心齋朱學
士竹君楮學士左峩曹給事慕堂馮刑部君弼
入汰源寺觀海棠偶見苑牆腳支貧方石有

異撤而視之則遼大安十年觀音菩薩地宮舍利石函記也心齋有詩紀其事卽次韻

長安春可游賞花到佛寺至德靈芝書景福南敘記妙跡屢摩挲響榻勸好事卓立尊勝幢石函列其次復有

党竹谿令史述建置

寺有遼薦福大師尊勝幢羅尼幢記磁州司馬劉贊撰又石函匹面

顯字天水蕭甫書金禮部令史顯名記大定戊戌八月党懷英撰皆俗人所未著錄予數年來先後訪得之

劫火了一不焚人天護初地得隴復望蜀吾儕心已肆運

巒覆苔石果得義中字想見揮豪初淋漓墨瀋翠一萬

舍利藏卅二相好備檀那百千家合掌歎神異金錢巨

社輸宮商泐螺吹

皆用記中語

事往七百年誰識聰辨智

記文

燕京管內左右街都僧錄崇祿大夫檢校太師行鴻臚卿聰辨大師賜紫沙門善製所撰自大安十年甲戌至今六百七十七年矣昇來鎮僧寮鈔取入書笥紀年古多同舊聞

或誤識

劉同人帝京景物畧題作金大安十年致金王永濟紀元大安止于三年此記乃遼道宗時所

刻非金刻結習文字閒淨名毋我議

琉璃廠窰戶掘土得古墓棺槨朽盡而骨泐殊異視其誌石題云大遼故魏青崇祿大夫檢校司空行太子左衛率府率兼御史大夫上柱國隴西李公墓誌銘撰書人則不可攷矣督厥工部郎中孟君濬令改埋于故兆東二十步并其誌瘞之世遂無拓本李公之名不見于遼史因

撫誌文大畧他詩以遺攷古者

琉璃殿前工搏埴

昌志切

十夫畚土土委地捨畚漣瀾見

枯槨棺槨不具骨汰異其芻片石誰所誌大遼李公官
閩備厥諱內貞吉美字漢前將軍出所自家於媯汭世
有位舉唐秀才祕書試試主簿承清淨治大聖南牧六
師肆向化請命隸下吏屬珊瑚帳下蕃漢騎廿萬精兵可
敦置中丞提舉金魚賜左右僕射新寵被述蘭王燕南
面寄授以押衙心膂倚戒得抱公輸忠義專城薊州寬
惠莅都監錁治廉直遂檢校司空三台致終于太子左
衛率先媿殷氏三子嗣繼室以何有男二各各通顯周

潘碩堂詩集卷十
行置保寧十年月夏季行年八十恆幹棄葬之京東石
室闕黃腸瘦房久摧毀白日忽照長夜寐歲閱八百隙
過駟富貴聲名竟何事改埋且免烏鴛臥猶勝溟漠堙
名字吾生金石有奇嗜悵未擅椎入篋笥遺間可補隆
禮志傳與好事紀原委

題侯官林氏陶筋硯銘冊子

蕉葉青花甲乙分故交耐久夏能交想嫌結綠縣黎俗
別署頭銜萬石君

鐵畫分明手自鐫名山藏弄耐千年怪它歐趙授金石
椎榻何曾到硯田

送江于九之官安慶

隆冬風雪冷僕夫將載馳送君路三千游宦皖水湄君
才故磊落循良古爲師文章與政事能手兩兼之仕途
如黃楊逢閏一寸虧別駕古通守職閒秩未卑衡陽君
舊游手捫岫嶺碑天柱亦南嶽山靈緣在茲振衣可一
登荆揚儼列眉石壁剔落蘚恐有龍眠詞見彈太蚤計
令我朶兩頤人生有幾別後會復何時君爲江淹賦我
媿錢起詩

游善果寺

白紙坊前青豆房當年賜額乞貂璫

明天順八年尙膳
監太監陶榮題請

賜額禮部給劄
付石刻尚存

修廊搏換鬚眉古

東西廊塑五百羅漢
明孝宗時內官監太

監姚訓
所造

老幹支離檜柏涼豐碣未磨禮部劄荒原誰認

故侯牆

碑載寺四至東至官路西至歸依
地南至慈仁牆北至太平侯牆

山桃一樹開

旋落瞥睨春光有底忙

泐源寺看花

丁香花落海棠殘火迫春風到牡丹冷笑山僧忙底事

栽花只博別人看

泐源寺觀牡丹因懷琴德

精藍地近一牛鳴每到花時幾度行天與色香矜智慧
人從開落悟虧成老僧底用譚優鉢長者眞須學淨名

蒲褐先生無恙否何緣共坐話無生

題黃星槎所藏漢華山碑拓本

江夏過妖我袖中有西嶽六丁取不盡古色尙斑駁一
飯先鍾梁三舍後斯邈森森劒鋒藏茗茗禾穎擢美女
簪好花壯士橫長槩白象露齒牙蒼龍吐芒角掉尾魚
戲波垂頭鶴俛啄依稀六百字字字玉在璞杜遷石已

碎郭香文未剝當年松譚閣

此碑舊藏宛委山人郭宗昌松譚閣後歸王山史嘯

月樓顧亭林所見卽此本

薇露手親濯侍史妙襄演牙籤自追琢嘯

月古逸民顧榮共商推手書付官奴恐溷俗子濁

山史題冊

尾戒其子非承我命不得令人輕爲題跋

歲久罕益珍性癖果而確風流今

猶谷嘲笑任蠅鬣院體行楷書我見輒欲設俗君羅紋
硯試一臨池學

題惠松厓徵君授經圖

漢儒說經重詁訓授受專門先後印三代遺文近可推
大義微言條不紊後人鑿空誇心得一筆欲將鄭服擯
虛譚名理詞玩物陳義甚高詞已遁我朝經術方昌
明天遺耆儒破迷悶紅豆風流手澤貽三世大師清望
峻正訖常晞董仲舒識古共推劉子駿尤長義易沂九
師輔嗣說行存亦僅郢書燕說一例芟墜簡逸象盡日
摺畫吞仲翔洵已足論持趙賓兼冒仞苦心孤詣識者

誰後有子雲或能信禮堂寫定不得傳令子趨庭萬人
俊羣書暗誦才翩翩家法相承語諄諄青紫拾芥何足
云樸學千秋空自奮吾生亦有好古癖問奇曾許搥衣
進廿年聚散等浮漚宿艸青青老淚披展圖彷彿見平
生苦井長習幾時落黃門精熟繼長翁試聽宅年石渠

論

爲袁春圃給事題苦瓜和尚餘杭看山圖

連卷不了幾行樹辣闌無想千尺岑一洗人閒甜俗格
丹青如見苦瓜心

題沈椒園前輩松亭讀易圖

清溪堂詩集 卷一
先生晚好易章編百過讀兀坐古松亭清吹風謖謖
然歲寒姿勁直凌凡木三百八十爻取象各有族白茅
藉无咎枯楊華非福失據蒺藜危得繫苞桑卜乘剛怕
葛藟善柔嗤莧陸松耶何乃遺疑義費往復善易象可
忘至理思爛熟科上槁奚爲堅多節所獨抱經究終始
洗心以自淑行藏三十年回首一信宿漸鴻瞻羽儀賁
趾脫輪腹道協敦且九名取安節六磊砢後彫心莫逆
交不黷經師多上壽額手爲公祝

病目廿二韻

病目卅月餘屏葦疏酒醞晝常恹窗明夜苦辨星皖觀

火光忽岐遡風涕偏潛眇凝春麥芒淚流浙米瀟綠瞳
欲掩珠赤青已侵販漫天他謝絮平地起秦棧朱碧只
一槩金沙算分揀看書春月翳佗字秋蛇縮視鳥眞如
鳥寫弗卻類弗約僮宥假了課兒昧瑟憫漸近杜欽旨
空羨華元睥欲尋龍樹方安得金龜剗平生耽文字藝
林志飛穢分無蛾綠餐徒勞汗青篋多記精日銷玩物
顏有赧天教息吾黥日使具其隄五蘊先斷色萬事難
挂睨方圓河洛圖疏密麻沙板相對了不知付之一笑
堯象罔傲離朱申徒薄子產戒慎所不睹斯道本至簡
渾沌未鑿初今吾豈異擷

贈伊宛中孝廉

本蒙古伯都氏改隸滿洲古北口提督謚愨信布蘭泰公之孫

之子名家彥風流數妙年
譚經援義海搜句出心田
老馬途能識神錐穎最先
中郎枕中祕欲待仲宣傳

鐙下作

一鐙熒熒光歛然散數點漸遠光益多
百道飛電閃外環暈幾重著色閒濃澹
殷紅日杲杲蔚藍波潏潏心知眼前障
欲以一手拚五采夏交射不絕始饑饑
夜夢神告予妄相忒以漸算漫投刀圭
最忌弄鉛槧幻影非有著真精宜自斂
譬之泥在水水激泥不濂又如雲掩月
雲過月不染復其見天心我圭本無玷

圓桌

曾記瑤臺聚八僊

方桌一名八僊桌

樽棧新樣阿誰傳翦鐙眞

快團圞話讓坐無妨左右旋移到中庭天侶笠分將半
面月初荏瓜廬與爾筌相稱瞿麥從今算惡圓

暖炕

熾炭中央氣四通先生眞欲號冬烘未妨曆火仍安寢
且耐薰心畧禦窮上座試安木居士

炕邊以木爲之

爰官新守

土司空江南有客酸寒甚伏枕偏愁內熱攻

羅兩峯鬼趣圖

人言鬼可憎君獨觀其妙觸于目所遇審厥象惟肖巨

室可偃寢馳逐誰所召昏暗鎖自縛安得慧燈照六趣
理本同執著互相笑奇詭到筆端佻聞談出訃書家艸
聖難龔聖予云人言畫鬼爲戲筆是大不然此乃書家之艸聖也豈有不善真書而佻艸書者苦心
世莫料瞰室非爾防一任梁閒嘯

潛研堂詩集卷十

門人黃鐘校字